

सानसेयारि "बड'सा" खीरालाइयाव
अमजयारि जिज्जो लोब्बा थानाय रायथाय, अन्थाय,
अल', अल'बाथा आरो दावबायारि थावनि, पार्क
बाइदिनि आयाव लिर्नाय लिर्बिदां दैथाय हर।
सानसेयारि "बड'सा" खीरालाइया सेबखानि
फोसावगोन।
बड'सायाव लिर्हरनायनि हुबा खालाम,
"बड'सा" खी नौथां, जो बयबो आंगो खालाम।
सानसेयारि बड'सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड'सा




BODOSA ★ A Bodo News Daily ★ Monday ★ 12 October, 2020 Kokrajhar, BTC, Assam ★ Vol.- 30, Issue No. 198 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बंगली फेडोसननि सालाकाटि दखरा आफाद दाफुदों

बासुगाव, 11 अक्टबर:

दुलाराय आसाम बंगली
लाइमोन फरायसा फेडोसननि
सालाकाटि दखरा आफादखौ
दिने मोनसे गेवलां मेलनि
गेजेरजों हाबाफारि बादिदै
दाफुनाय जायो। फेडोसननि
बिटिएडि ओन्सोल आफादगिरि
(□ 5 बिलाइआव)



मालिगावआव आसामनि गोलावसिन फ्लाइअभारनि अन्थाय खाम्फा गायसन्दों गिबि मन्थिआ

दिसपुर, 11 अक्टबर:

आसामनि गिबि मन्थि सर्बानन्द सनवालआ
दिने गुवाहाटी नोगोरमनि
मालिगावनिफ्राय कामाख्या
गेटसिम थंग्रा आरो मालिगाव-
पान्डु फोनांजाबनाय मोनब्रे लेननि
गंसे फ्लाइअभारनि थाखाय
अन्थाय खाम्फा गायसन्दों।
बिथांखिआजावना लानाय बादिदै
बे फ्लाइअभारआ मालिगावनिफ्राय
जागायजेन्नाने एटि रडनि
कामाख्या मन्दिरनि गेटआव
(□ 5 बिलाइआव)



गामियारिफोरनि मुलाम्फानि थाखाय गाहाय मन्थि मदिआ स्वामित्था बिथांखिखौ बेखेवबाय

गोदान दिल्ली, 11 अक्टबर:

गामियारिफोरनि मुलाम्फानि थाखाय
गाहाय मन्थि नरेन्द्र मदि दैदेनाय
मिरु सरकारा हादतनि गरिब,
आबादारि थाखोनिफ्राय लानानै
गासै थाखोनि सुबुफोरनि थाखाय
मुलाम्फा मोनो हाथाव बायदि
बायदि रोखोमनि गोदान
बिथांखिफोरखो जागायबोनायखो
नुनो मोन्दों। बुब्लियावोनो गाहाय
मन्थि मदिआ दिने गुबुन मोनसे
गोदान बिथांखिखौ बेखेवबानै

होबावयो। गाहाय मन्थि मदिआ
गामियारिफोरनि थासाारिखौ
सोलायनो आरो मुलाम्फा
मोनहोनायनि असिलायै दिने
स्वामित्था बिथांखिखौ बेखेवबानै
होयो। जरखायै गामियारि भारतनि
थाखाय सोलायनाय लाबोनायनि
बेयो मोनसे आगान। सरकारनि बे
आगान एबा जागायनाय बिथांखिनि
गेजेरजों फेगौ 4 बोसोरनि समाव
खमैबो 6.62 लाख गामिफोरा



मुलाम्फा मोनो हागोन। बे
स्वामित्था बिथांखिखौ गाहाय मन्थि
(□ 5 बिलाइआव)

फकिराग्राम अर खामनाय जाथायनि सायाव मेजिस्ट्रेट थाखोनि संदानो जिल्ला बेंगिरिया बिथोन होबाय



कक्राझार, 11 अक्टबर:

कक्राझार जिल्लानि सिडाव थानाय
फकिराग्राम हाथायसालिआव
थांनाय हरआव सोमजिनाय
गिखंथाव अर खामनाय जाथायनि
सायाव मेजिस्ट्रेट थाखोनि संदानो

थाखाय कक्राझार जिल्ला बेंगिरि
भास्कर फुकनआ बिथोन होबाय।
बे अर खामनाय जाथायथिलियाव
थानानै दिने जिल्ला बेंगिरि भास्कर
फुकन, कक्राझार एस पि राकेश
रशन, सोनाब कक्राझार बियाबनि
एम एल ए रबिराम नार्जरी मोनहा
खौरां लाहैदों। खौरां लाहैनायनि
उनाव जिल्ला बेंगिरि फुकनआ
(□ 5 बिलाइआव)

बाथौ आसम जथाय आफादआ गुन गौनां फरायसाफोरखौ बरायदों



बाक्सा, 11 अक्टबर:

बाक्सा जिल्लानि दमधमा बाथौ
आसम गोजौ फरायसालिआव
दिने बाथौ आसम जथाय

आफादनि बेन्दोंआव थानाय 2020
माइथायाव मेट्रिक आन्जादआव
गोजौ जायगा लानानै उथिसारनो
हानाय गुन गौनां फरायसाफोरखौ

बरायनायनि मोनसे हाबाफारि
बादिदै सायख 'जानाय
फरायसुला-फरायसुलिफोरखौ
दिने मान होनाने बरायो। दिने
मोनसे मेहेरगोनां हाबाफारि
खुनायनि गेजेरजों ओन्सोलनि सेथि
थाखोआव उथिसारनो हानाय सा
141 गुन गौनां फरायसुला-
फरायसुलिफोरखो गाबगोनां
आर'नाइ आरो मान बिलाइ होनाने
बरायो बाथौ आसम जथाय
(□ 5 बिलाइआव)

दिनेनिफ्राय बगिबिल दालांजों राजधानी एक्सप्रेस खारसिगोन

(डिब्रुगडनिफ्राय गोदान दिल्लीसिम
राजधानी एक्सप्रेसआ खारगोन)

गुवाहाटी, 11 अक्टबर: एसिया हादरनि गेजेरवोनो नैथि रेल साइटि
थाफनाय दालां बगिबिलआ हादरनि गेजेरवोनो गंसे मख 'जाथावना दालां
जानानै दड। गासै 4.9 कि:मि: गोलाव बगिबिल दालांजों थाफनाय रेल



साइटिजों गाबोन समबारनिफ्राय राजधानी एक्सप्रेसआ खारजेनगोन।
सुलुंनिफ्राय मिबथिनाय बादिब्ला, डिब्रुगडनिफ्राय जागायजेन्नाने गोदान
दिल्लीसिम राजधानी एक्सप्रेसआ रावना होलांगोन। 02505 नम्बरनि
राजधानी एक्सप्रेसआ गिबियै बगिबिल (□ 5 बिलाइआव)

बि पि एफआ बि टि सि आव ब्रैथि खेबनि थाखाय सरकार दागोन: रबिराम नार्जरी

कक्राझार, 11 अक्टबर:

थांनाय 4 एप्रिलआव खुंजानो
गोनांमोनब्लाबो नाथाय गिखंथाव
कभिड-19 नि जाहोनाव
दिन्दानानै द बि टि सि नि
बिसायखथिया। दासान्दि
बि टि सि आव सोलिगासिनो
राइज्यो बेंगिरि खुंथाय। बेराफासै,
गुबुन गुबुन राजखान्थि हान्जाफोरा
बिसायखथिखौ खुंनो थाखाय
राइज्यो बिसायखथि आयग आरो



सरकारनि खाथियाव दाबि
खालामबोबाय थादों। बिसायखथि
खुंनार्यानि अक्टखौ गोदाने

फोसावफिन्याय जायाखैब्लाबो
नाथाय गोखोडे सोलिगासिनो
थादों गासै राजखान्थि हान्जाफोरनि
बिसायखथि फोसावदिनाया।
लोगोसे खुंजानो गोनां बि टि सि
बिसायखथिनि दावहायाव
ओखारनो साखा-फारा जानाय
गुबुन गुबुन राजखान्थि
हान्जाफोरनि बिजाथि आरो
दैदेनगिरिफोरनो गाव-गावखौ
(□ 5 बिलाइआव)

दुलाराय आसाम गुबुन गुबुन गोगलैसोनाय थाखो गौथुमनि मावफुं मेल खुंदों

बासुगाव, 11 अक्टबर:

आसामनि अबिसिनि गुबुन
गुबुन जे'नानि सोमोन्दै
सावरायलायनायनि थांखिजों बे
आयदाखौ सिगाडव दोनानै दिने
दुलाराय आसाम गुबुन गुबुन
गोगलैसोनाय थाखो गौथुमनि
मावफुं मेलखौ दिसपुरआव
थानाय कमलाकान्त बरवा
भवननि राइज्योयारि मावख'आव
खुंनाय जायो। अबिसिनि
राइज्योयारि आफादनि आफादगिरि



अमर गौनि मासि सामलायनाय
जानाय बे मेलनि थांखिखौ

बेखेवनानै होयो आफादनि नेहाथारि
(□ 5 बिलाइआव)

आजमलनि हारिमुनि हेंथायै जों खौसेयै जुजिगोन: हिमन्त

गुवाहाटी, 11 अक्टबर:

थांनाय बावैसो साननि सिगां गवालपारा
जिल्लानि मोनसे मेलआव आरखी
रवनि लिस्नाय हांखोखो बेनारआव
बाहायनायनि बेले-बेजे जेनायाव
थों जोडे एआइउडिफनि
आफादगिरि मौलाना बदरउद्दिन
आजमलखौ गोखों बाथ्राजों



सावरायदों आसामनि गुबुन गुबुन
सांघ्रां नोगोरफोरा। बेनि गेजेरव

आसाम सरकारनि देहा आरो
रंखाथि बिफाननि मन्थि हिमन्त
बिस्व शर्माया आजमलनि बाहागो
लानाय मेलआव आरखी राव
हांखोखौ बाहायनायनि सायाव
गोखों रावजों सांखारिनानै
आजमलनि थांखिखौ आसामआव
(□ 5 बिलाइआव)

बिटिसि बिसायख'थि 2020: खुंथायनि गोहोआ सोरनि आखाइयाव!

गेनाखान्थि उदां सरकारनि फासै गोसो होदों भटार राइजो-रजाफोरा

कलाइगाव, 11 अक्टबर:

भारत हादरबादि दसे
सुबुखान्थि हादरआव राजखान्थि दोलोनि मोनसेबो
सरकारआनो हादरआव उदों गेनाखान्थि सरकार दाफुनो
हायाखै। कंग्रेस, भारतीय जनता पार्टी दैदेनाय मिरु
आरो राइज्यो सरकारआवो उदां गेनाखान्थि सरकार

सामलायनो हानायखौ नुनो मोनाखै। बेले-बेजे
गेनाखान्थिआ जेब्ला खुंथायनि समाव नुजाथियो अब्ला
राइजो-रजाफोरनि सान्नाय-हनाया खुद्विखान्थाय गोसोजों
खुंथाय हान्जानि सायाव सांथि दैखाडे। बेबादिनो
हादरनि सिडाव आसामआव (□ 5 बिलाइआव)

भवानीपुर ब्लक आइजो कंग्रेसनि मेलआ जोबलांबाय



भवानीपुर, 11 अक्टबर: भवानीपुर ब्लक आइजो कंग्रेस आफादनि
बान्जायनायाव भवानीपुर बिधान सभा बियाबनि कंग्रेस दोलोनि जानानै
बिसायख'थि फोसावदिनायखौ दासान्दि (□ 5 बिलाइआव)

बिहार राइज्यो बिधान सभा बिसायखथिनि थाखाय सा 30 स्टार केम्पेइनारफोरनि फारिलाइखौ फोसावबाय

गिबि सारियाव गाहाय मन्थि, नैथियाव जे. पि. नड्डा, थामथियाव राजनाथ सिं आरो ब्रैथियाव अमित शाह

गोदान दिल्ली, 11 अक्टबर: हादरआव गिखंथाव कभिड-19 नि
थासारिया जोबस्ताबै समनि गेजेरवोनो हादरनि बिसायखथि आयगआ
माखासे प्रकलनि गेजेरजों बिहारनि राइज्यो बिधान सभा बिसायखथिखौ
खुंनो फोसावनाय लोगो-लोगो राइज्योआव बिसायखथि फोसावदिनायनि
दोहौआ जागायजेनहांबाय। बि जे पि आरो कंग्रेसजों लोगोसे राइज्योनि
माखासे ओन्सोलारि राजखान्थि हान्जाफोरा बिसायखथियाव बाहागो
लानानै देहासारनायनि मिजिजों बिसायखथि फोसावदिनो थाखाय जान्जि
खाफ्रादों। बुब्लियावोनो सोलिफु मिरु सरकार खुंथायनि गोहोयाव थानाय
बि जे पि हान्जाया बिहारआव राइज्यो (□ 5 बिलाइआव)



भारतआव कभिड-19 नि सन्देरनाया खमायबोगासिनो

दासिम सा 1,08,334 सुबुफोरा जिउ खहा जाबाय

गोदान दिल्ली, 11 अक्टबर: भारतनि सुबुफोरनि थाखाय करना
भाइरासनि सायाव गोजो-थाव रादाव। सिगां दानफोरनिफोरनि रुजुनायाव
हादरआव दासान्दि कभिड-19 नि सन्देरनाया लासैयै बाडाइ
जाबोगासिनो। बवेखानि हादरआव दिनेसिम (□ 5 बिलाइआव)

NERIM
Group of Institutions
Established 1992

Affiliated to Dibrugarh University, Gauhati University & ASTU
Approved by NCTE, BCI & AICTE, MHRD, Govt. of India

Admissions open for all the programmes through
Online and Offline mode. Admission shall be made as
per prescribed regulation of the concerned University.

MBA	M.Sc. (Computer Sci)
MCA	MA (App. Psychology)
M.Com	LLB(H)
MSW	B. Ed
MA (Education)	LLM

N.B.: For working personnel (online class allowed)

1. MBA (Part Time)
2. PGDM.

Under Graduate courses

BBA	BCA
B.Com(H)	BSW
BALLB(H)	

For details, kindly visit our website Or may contact
Admission Counsellor on
9864750000 / 9954190758 / 9954051419.
Prof. (Dr) Sangeeta Tripathi, Director, NERIM
Padma Nath Sarmah Bhawan, Jayanagar,
Khanapara, Guwahati -781022
www.nerimindia.org nerimindia@gmail.com

सुजुगिरिनि खोलाम

आबाद मावनायनि गोनांथि सौफैबाय

गायनाय-फुनाया बर' फोरनि मोनसे हारिमु। बैसागु-दमासिया जैरे बर' फोरनि एंगारनो हाथावयै हारिसुयारि फोबौ बिब्दिनो गायनाय-फुनायाबो रोखोमसे फोबौनि महर मोन्दों। गायनाय-फुनायनि गेजेरजोंनो दिनेसिम बर' फोरनि थाना थानायनि गुदि आरो गाहाय रंखाथियारि फुंखा। थालायै बुनो थाडेब्ला आबाद मावनानै दैज्जानि दैज्जां, मेसेनि मेसे आबाद दिखानानै थाना थानायनि गासै राहा-लामाखौ आबादारिफ्रा गावसोरनो दिहुन्नानै लाबोनादों, आरो बेनो जौनि आबादारिफोरनि गुबै थांखि। जायनि थाखाय जौनि आबादारिफ्रा फारफ्रम बिधिनि खैदां-खैफोतखौ सौसिबोनानै दिनेसिम गावनि थाना थानायनि लामा बहनानै लानायजों लोगोसे गुबुनो आरो नखरनि फिसा-फिसौनि थाना थानायनि लामा बहनानै लाबोदों।

जौनि आबादारिफोरनि बे गोखों मावदिन्थिखौ नोजोर खालामोब्ला गोनुखोयारी आदब बाहायनानै सोदांनया गोदान जौलै बेगर, हासार, मुलि, गामा दै जगायनायनि राहा-लामा आरो गोबां बिधिनि नेम खांन्थिजों आबाद दैखानायनि खाबु लानो एबा मोनो हानायब्ला एबा थुलुगाखांथाव सुबुरुन, मदतआ गमामा आबाद जांखिखांनया लाबोनो हागोनो होन्ना सानजाथाव।

दैज्जानि गायनाय-फुनाय माइ-माइरंजोंल' आबादिनि जांखिथाय लाबोनाया आद्रा थालांनया बादि जागोन। बेखायनो जौनि सानफ्रमोबौनि थाखाय नांनया माइ-माइरंजों लोगोसे दैज्जानि दैज्जां-मेसेडव मेसेनि मैंग-थाइंग बाइदि रोखोम आबाद दिखानायनि गोनांथि दैसै।

माइ-माइरं, मैंग-थाइंगआ जैरे गोनां बिब्दिनो गुबन आबादफ्राबो एंगारथावयै गोनां। मानसिनो नाडे मुवा गैफेरा। नांगौनिबो जौबनो थाड। गान्नाय-जोमनाय, जानाय-लौनायनि अनगायैबो सानश्र' हायै मुवा बेसाद, हास्थायनाय जौबनो थाड मानसि माहारिनाव। बेखायनो गोनांसिन आबादजों उफ्रा आबादबो दिखानो लानाया गामा। आबाद फोथाव मोनसेल' आबादखौ मोखां नायाजासे जाबथु आबाद दिखानानै गोबां मुलामफायारी जानो हानाया जौनि नसुसे राइजोयाव गोबां दैसै। गय बारियाव गय बिफाजों लोगोसे नरें लेबु, आनारस, फाथै, हाइजें, हार्लै, मसला फिथाय, फानलु, फान्थाव बाइदिसिना बाडाइ समनि गेजेराव मोनो हानाय आबादफोरखौ दिखानायनि राहा लानो हायोब्ला रंखाथियारी बिधिडव हुंखा सुंथानो गोलैयै राहा मोनो हागौ। मेसें बोथोरव थाव बेगर बेसर, सिबिं, गुजि, देमसिफोरजों लोगोसे समान सम आरो बोथोर मोनसेयावो दिखानो हानाय नाथाय गोबां दिहुन्थायनि थाव बेगर सान फ्लावारफोरखौबो आबाद खालामनो लानांसिगौ।

गासै रोखोमनि आबाद दिखानानै सोरगिदिं जेरावबो जैरेबो आबाद जावरिखांनया लाबोनानै ओनसोलखौ अराय सोमखै खालामनायनि थांखि आरो मदतनि गोनांथि दैसै।

दिनेनि फानजामुधि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : थ भ (ढ फ) मकर : ख ज कुम्भ : ग श (स) मीन : द च (ख ज झ)

मेष: नख'रनि आबहावाफोर मोजां जालांगोन। गोजोनै थानो हागोन। फारफ्रमिथिबो मोजां।

वृष: रंजा-बाजाजों दिनखौ बारहोनो हागोन। जैखि मावा गोजोन्नाय मोनगोन। मोजां सान।

मिथुन: नख'रनि माबाफोर मावनांगो दंब्ला मावनानै लानो हागोन। दिनेनि साना गोथार सान।

कर्कट: मावा मोनसे थांखिआ जाफुंनो हागौ। गोसोखौ गोजोन्नाय मोनगोन। मोजां सान।

सिंह: मावा मोनसे खामानिनि थाखाय रंखावरि बाहायनांनो हागौ। धैज्ज हम्मानै बाहायनांगोन।

कन्या: फालांगिआव मुलाम्फा मोनो हागौ। रंखावरि बुधुमनानै लानो हागोन। फारफ्रमबो मोजां।

तुला: मोजां हाबा मावनानै थुलुगाखां होनो हागोन। जिउआव गोजोन्नाय मोनगोन। मोजां सान।

वृश्चिक : सोरनिबा नोजोराव गोल्नो हागौ। मोनफ्रेमबो बिधिडव संप्राडे थानाया गामा।

धनु: मोजां हाबा मावनो थालुंगा मोनगोन। जिउआव गोजोन्नाय फैगोन।

मर्कर: माखौबा सानानै मोगोहाबनाय सोमजिखांनो हागौ। गोसोखौ लोरबां दाखालाम।

कुम्भ: सान्नाय थांखिआ जाफुंनो हागौ। जिंगा सिनायनिफ्राय उदां जानो हागोन। मोजां सान।

मीन: गोसोयाव सानानै थानाय माबा मोनसे मोजां खामानिखौ मावफुंलानो हागोन। मोजां दिन।

फार्म हाउस सावनायखौ लानानै आसाम आरो मिजराम सिमायाव दुंहाव थासारि

गुवाहाटी, 11 अक्ट 'बर: आसाम-मिजराम सिमायाव दासान्दि मोनसे जाथायखौ लानानै दुंहाव थासारि सोमजिदों। मिजरामनि सुबुंफोरा फर्सनाय फार्म हाउस आरो आबाद फोथारखौ सावना होनायाव दासान्दि दरनै रइज्योनि सिमा ओन्सोलाव दुंहाव थासारिया नुजादों। मिथिनाय बायदिल्ला आसाम-मिजराम सिमानि मांमिद ओन्सोलाव मिजरामनि माखासे सुबुंफोरा आइन बरेखायै फार्म हाउसखौ फर्सनानै आबाद खालामनो जागायजेन्दोंमोन। बे बाश्नाखौ करिमगन्ज जिल्ला खुंथायनि अजद खालामनायाव जिल्ला खुंथायि बे आबादथिलिनि साखाथियाव आइन बरेखायै फर्सनाय फार्म हाउसखौ सावनानै होयो। मिजरामनि जन जलाउमा मुंनि सुबुंफोरा सिमा ओन्सोलाव बेबायदि आइन बरेखा दखल खालामनायनि सिगांनिफ्रायनो अजद सिखांदों। करिमगन्ज



खुंथाया मिज' सुबुंफोरा फर्सनाय गोबां गयनि बागानखौबो सावनानै सिलिखार खालामदों। बे जाथायखौ लानानै सिमा ओन्सोलाव जेना नुजाथिनानयनि समावनो मिजरामनि मांमिद जिल्ला खुंगिरि आरो पुलिस बिबानगिरिया जाथाय थिलिखौ नायगिदिं हैयो। मिजरामनि पुलिस सामलायगिरि एस बिके सिंआ आसामनि पुलिस गाहाय सामलायगिरिजों टेलिफनआव फोनांजाब खालामना जाथायनि सायाव सावरायलायो। मिजरामनि सरकार करिमगन्ज खुंथायनि बेबायदि माव हाबाखौ सौंखारिनायजों लोगोसे बे आयदानि सायाव मिरुनि नखर बिफाननो थाबेनो लाइजाम दैथायहरगोन होन्नानै बुंदों। फारसेथिं मिज' फरायसा आफादआबो करिमगन्ज जिल्ला खुंथायनि बेबायदि माव हाबाखौ सौंखिदों।

भारतनि सा-सान्जा ओन्सोलाव 5.3 गोख्रोंथिनि बांग्रि मावदों


मणिपुर, 11 अक्ट 'बर: थानाय माखासे दाननि गेजेराव सम-सम हादतनि सा-सान्जा रइज्योफोरव मावनाय बांग्रिनि गोहोमा सुबुंफोरनि फारसे ख'हा खालामाखैब्लाबो नाथाय बेफोर बांग्रिनि मावनाया थागिबि सुबुंफोरखौ गिखांनया खालामदों। मख'नो गोनांदि, आसामाव थानाय बावैसो साननि सिगां बांग्रि मावलांनयनि उनावनो मैया थानाय हरनि 11.08 रिंगायाव हरखाव बांग्रि मावनाया फिन खेबसेबाव सुबुंफोरनि न' बांखौ सोमावरुंलु होदों। सुलुंनिफ्राय मिथिनाय बायदिल्ला सा-सान्जा रइज्योफोर आसाम, मणिपुर, मिजराम आरो त्रिपुरा रइज्योयाव थानाय हरनि समाव हरखाबै बांग्रि मावो आरो बे बांग्रि मावनायनि गोहोमा रियेक्टर स्केलाव 5.3 गोख्रोंथिमोन होन्नानै हम्दानो हानाय जादों। बे गोख्रोंथि बांग्रि मावनायाव खौरां लिरजासिम गोजोयाव



मख'नाय रइज्योफोरव जेबो ख'हा जायखै होन्नानै सुलुंनि गेजेरजों मिथिनो मोन्दों। मिरु बोथोर बिगियाननि सुलुडा मिथिहोनाय बायदिल्ला थानाय हरनि समाव मावलांनया बांग्रिनि मिरुआ मणिपुरनि टामेलं जिल्लानि सान्जा ओन्सोलनिफ्राय गासै 28 कि:मि: गोथौ निफ्राय मावदोंमोन। सुलुंनि बायदिल्ला थानाय हरनि 11.8 रिंगायाव बांग्रि मावलांनया लोगो-लोगो बेनि माखासे समनि उनावनो एबा 11.39 रिंगायाव 2.8 गोख्रोंथिनि बांग्रिआ आरोबाव मावबावदों होन्नानै बिफाननि सुलुडा मिथिहोदों। थानाय 3 अक्टबरखालि आसामाव मोनानि 9.06 रिंगायाव 4.2 गोख्रोंथिनि बांग्रि मावनायनि उनावनो दिने नैथि खेब बांग्रिनि एसे गोख्रोंथिनि मावनायखौ मोन्दाथियो। मख'नो गोनांदि, थानाय 22 सेप्टेम्बरखालिबो आसामाव 4.4 गोख्रोंथिनि बांग्रि मावदोंमोन। दासान्दि बे सोलिफु बोसोरनि थानाय दाननिफ्राय सम-सम बांग्रि मावनायनि गोहोमथिखौ मोन्दाथिनो हाबाय थानायाव रइज्योनि सुबुंफोरा माल्लाबा समाव गोख्रोंसिन बांग्रि मावगोननि गिखांनया लानायखौ सानखानाय जादों।

भारतआ हाइड्रजेन इन्धन सेलजों गारि सालायनायाव जाफुंसारनो हादों

गोदान दिल्ली, 11 अक्ट 'बर: आबहावा गुबुले जानाय आरो ग्रीन हाउस गैसफोर ऑखारनानै खम खालामनायखौ लानानै गोबां दाबि दैखानायनि गेजेराव भारतआ बे बिधिडव गिदिर जाफुंसारनायखौ मोनो हादों। बिगियानगिरि एबा तेकन 'लजि सं दानग्रा फर्सथान (सिएसआइआर) आरो के पिआइटी टेकन 'लजिआ हाइड्रजेन इन्धन सेल (एचएफसि) जों हादतनि गिबि प्रटटाइप कार सालायनायाव जाफुंसारनाय आन्जाद नायनो हादों। एचएफसिआ फु रायै हादतआवनो जौगाखां होनाय इन्धन सेल स्टेकनि सायाव बिथा खालामनाय। एचएफसि तेकनिकायव मोब्लिब गोहोखौ सोमजिखां होनो थाखाय हाइड्रजेन आरो अक्सिजेननि



सेल्सियासनि बिडुडावबो हाबाफारि मावो, जाय गारि सालायनाय समाव गरम जानायखौ सामलायनो हागोन। सिएचआइआर आरो केपिआइटीआ 10 किलवाटनि इलेक्ट्रिक बेटारीखौ थियारि खालामदों। एचएफसि तेकनिकाखौ बाहायनायजों आबहावा गुबुले जानाया खम जागोन आरो मुतुगआ गोगो

आसामयाव नभेम्बर दाननिफ्राय सरकारजों सामलाय जानाय गासिबो माद्रासाफोरा बन्द' जागोन

गुवाहाटी, 11 अक्ट 'बर: आसामनि देहा आरो सोलौंथाय मन्थि हिमन्त बिश्व शर्माया बुंदों रइज्यो सरकार नभेम्बरनिफ्राय गासिबो सरकारि मदरसाफोरखौ बन्द' खालामनो थांखि लादों। सरकार बेजों सोमोन्दोआव बिथोनमाखौ फोसावगोन। बिश्व शर्माया बुंदों सरकारआ स्नेह स्पर्स मुंजों मोनसे यजनाखौ जागायजेन्दों। बेनि गेजेरजों 12 बोसोरनिफ्राय खमसिन बैसोनि गथ'फोरनि लिभार आरो क्रिडनीखौ ट्रेन्सपार खालामनाया सरकारि गेजेरजों जागोन। दान मोनफ्रामबो 10 अक्टयाव फाहामथाय होनायनि केम्प गाइसन्नाय जागोन। जाहाथे गासिबो बे यजाननि मुलाम्फाखौ मोनो हायो। रइज्यो सरकार बे यजाननि थाखाय दोहोनखौ होगोन।



भारतआव करनानि गिबि दोहौखौ जोबनायनि लामायाव नुनो मोन्दों गोदान दिल्ली, 11 अक्ट 'बर: भारतआव 7 अक्टबरनि उननिफ्राय करना भाइरासनि सानफ्रामबोनि गोदान केसफोरव दावखलानायखौ नुनो मोन्दों, जायजों बेखौ इसारा मोनोदि, करना भाइरासनि गिबि दोहौआ हादतआव जोबनायनि इसारा होदों। गामा देहा मावख'आ रबिबारआव बुंदोंदि, जाय दर 5 राइज्योफोराव बांसिन केसखौ नुनो मोन्दों, बेवहाय दावखलानायनायबो गोख्रैयै जादों। रबिबारसिमआव 60 लाखनिफ्राय बांसिन सुबुंफोरा करना भाइरासनिफ्राय रैखाथि मोनखांनया। भारतआ सेप्टेम्बरआव केसनि सायाव मोनसे मोजां थासारिखौ मोन्दांथिदों आरो 6 सेप्टेम्बरनिफ्राय 20 सेप्टेम्बरनि गेजेराव 90,000 निफ्राय बांसिन केसआ रेकर्ड जादों। 21 सेप्टेम्बरनि उननिफ्राय गोदान के सनि अन्जिमायाव दावखलानायनो हम्दों आरो भारतआव सानफ्रामबोनि केसनि अन्जिमायाव दावखलानायखौ नुनो मोनदों। भारतआव 13 सानफोरनि गेजेरावनो 9 मिलियन के सनिफ्राय 7 मिलियन केससिमाव सौहैनाय नुनो मोन्दोंमोन। बेनि गेजेराव एखे राहैयै केसआ महाराष्ट्र, कर्नाटक, केरेला, आन्ध्र प्रदेश, तामिलनाडु आरो उत्तर प्रदेशनिफ्राय सोराडाव फैदों।

भारतनि गोख्रों फिनजाथाय हनायाव पाकिस्ताननि सा 4 सान्थिफोरा थैयो आरो गं 5 आउट पस्टआ सिलिंखार जायो

जम्मू, 11 अक्ट 'बर: पुन्ड जिल्लानि मनकट सेक्टरआव गुलि गावहरनानै पाकिस्ताननि सान्थिया गोख्रों फिनजाथाय मोन्दों। भारतीय सान्थिया फिनजाथाय हरनानै साब्र सान्थिखौ गावथारनो हायो आरो गं 5 आउट फस्टखौबो ख'हा खालामो। बे गुलि गावहरलायनायाव बिएसएफनि सानै जवानआ जोखोम जायो।



बेनि अनगायै मनकटनि सुबुंफोर थानाय ओन्सोलआव गुलि गावहरनानै खावसे दर्जननि बांसिन न'फोरा ख'हा जायो। एलअसिआव गोजोन गैयै थासारि सोमजिहोनो आरो उतखारिफोरखौ हाबफै खुमाहोनो थांखियै पाकिस्ताननि सान्थिआ शुक्रबार-शनिबार हरनि 2 रिंगायाव दावहा दोन्थ'नायखौ सिमफायदों। शनिबारनि हरयावबो पुन्ड जिल्लानि मेन्दर खड़ी आरो करमाडा सेक्टरआव गुलि गावहरदों पाकिस्तानआ। बेयाव मनकट सेक्टरआव थिसनजानाय बिएसएफनि जानानै कन्सटेबल सिएच मनहर आरो रियाज आहमेदआ जोखोम जायो। सानैखौबो सान्थिनि फाहामसालियाव थिसन्नाय जादों। भारतीय सान्थिनि गोख्रों फिनजाथाय हरफिन्नायाव पाकनि गं 5 सेक पस्टआ सिलिंखार जादों आरो सा 4 सान्थिफोरनि जिउ गोमादोंब्लाबो पाकनि सान्थिफोरा खड़ी आरो करमाडा सेक्टरआव गुलि गावहरबाय थानो हायो।

जे डि इउनि मनरमा देबिआ दोहोनिसिन बिजाथि

पाटना, 11 अक्ट 'बर: बिहारयाव गिबि थिसन्नाया जाखांनया। गिबि खोलोबनि 71 मासिफोरनि सायाव 28 अक्टबरयाव भट थुनाय जागोन। बे मासिफोरनि सायाव मुंफारिलाइखौ 1,057 बिजाथिफोरा थिसन्दों। नाथाय थौजों दावहाया जुथाय पाटिं आरो एनडिइन गेजेराव न'निफ्राय 2016 याव जौखौ जब्द खालामनो मनरमा देबिआ बे खेबयाव बिसायख'थि हादों। बे समाव बिहारयाव जौखौ बेन बादायनो नागिरदों। मनरमा देबिआ गिबियाव बिधान परिषदिनि सोद्रामामोन। बियो दासो राजदनिफ्राय बादायदों।

बियो गावनि एपिडेभिटआव 89.77 कौंटी रंनि सम्पतिखौ फोरमायदों। मनरमा देबिखौ गोख्रों दैदेनिगिरि महैरे सिनायथिनाय जायो। बिन फिसाय बिन्देस्वरी यादबआ आगुनि समाव गोहो गोर दैदेनिगिरिमोन। बिन्देस्वरीआ लालु यादबजों खाथिनि सोमोन्दोयाव दमोन। बे बोसोराव करना भाइरास जानानै बिन्देस्वरीआ थैदों। मनरमा देबिनि न'निफ्राय 2016 याव जौखौ जब्द खालामनो हादों। बे समाव बिहारयाव जौखौ बेन बादायनो नागिरदों। मनरमा देबिआ गिबियाव बिधान परिषदिनि सोद्रामामोन। बियो दासो राजदनिफ्राय बादायदों।

गाहाय मन्थि मदिआ 25 अक्ट'बरखालि मन की बात हाबाफारिनि थाखाय माखासे सांग्रांथिनि सायाव मिथिहोने खावलायदों

गोदान दिल्ली, 11 अक्ट'बर: भारतनि गाहाय मन्थि नरेन्द्र मदिआ शनिबारखालि सुबुंफोरनिमिसम फोसावनाय जादोंदि, गावनि दानआरि रेंडिअ' हाबाफारि मन की बातनि थाखाय बिजिरनाय आरो सांग्रांथिखी गावनो मिथिहोने खावलायदों। सुलुंनिफ्राय मिथिनाय बायदिल्ला गाहाय मन्थि मदिनि बे हाबाफारिया दानफोमबो जोबथा रबिबारखालि आकाशवाणीनिफ्राय फुंनि 11 रिगायाव फोसावनाय जायो। नाथाय बे सोलिफु अक्ट'बर दाननि 25 अक्ट'बरखालि मन की बातनि हाबाफारिखी फोसावनो लादों। गाहाय मन्थिआ सांग्रांथि होनायनि थाखाय डुट्टरनि गेजेरजों फोसावनानै बुडोदि, मन की बातआ हादतनि नोगोरारिखी थुलुंगाखां होनायाव दावबायनायनि मोनसे



सांग्रांथि होनाय आरो बे आयदानि सायाव सावरयनो थाखाय मोनसे गेदेर खावु होनाय जादों। हाबाफारियाव बेफोर आयदानि सायाव सावरयनाय जायोदि, जेराव सुबुं समाजनि फारसे सोलायनायनि गोहो होने हायो।

गाहाय मन्थिआ बुडोदि, बे सोलिफु अक्ट'बर दाननि हाबाफारिखी 25 अक्ट'बर आब लानाय जादों। नम' एप, माइगभ आव गावनि सावरयनाय आयदाखी सांग्रांथि होने हानायनि थाखाय सुबुंफोरनिफ्राय

हेफाजाब बिनाय जादों। गाहाय मन्थिआ मोनफोम दाननि जोबथा रबिबारखालि मन की बातआव गासै 30 मिनिटनि मोनसे रेकर्ड खालामनायनि गेजेरजों हादतनि सुबुंफोरजों मोगा-मोगि बाथा सावरयो। गाहाय मन्थि मदिआ जेबला मिरु खुंथायाव फेनाय लोगो-लोगो हादतनि सुबुंफोरजों गुबुन गुबुन आयदाफोरनि सायाव सावरयनाय आरो सुबुंफोरनि जेनाखी मिथिहोने हानायनि थाखाय मन की बातनि हाबाफारिखी आजावना लानाय जादों आरो बे हाबाफारियावनो गाहाय मन्थिआ मोनै नम' एप आरो माइगभ साइट एपखो बे खेवनाय जादों। जेराव बे मोनै एपनि गेजेरजों सुबुंफोरा गुबुन गुबुन आयदानि सायाव फोरमायनो एबा मिथिहोने हायो।

उत्तर प्रदेश आरो झारखान्डनि लेबारफोरनि आइया 94 जौखोन्दो खम जादों

गोदान दिल्ली, 11 अक्ट'बर: लकडाउननि समाव गामिफोराव थांफिनाय 70 जौखोन्दो गुबुन राइज्योनि लेबारफोरा फिन सहरआव थांफिनाय थियारि जादों। साभेनि बादिल्ला सहरफोरनिफ्राय थांफिनायनि जाहोनाव गुबुन राइज्योनि लेबारफोरनि आइया 85 जौखोन्दो खम जादों। उत्तर प्रदेश आरो झारखान्डनि लेबारफोरनि आइया 94 जौखोन्दो खम जादों।

बेबादिनि जाहोनाव फिन खनसेबाव लेबारफोरा सहरफोराव थांफिनाय नागिरदों। गुबुन राइज्योनि लेबारफोरा गामियाव खामानि मोनैनि जाहोनाव आरो कम्पानिनि बिगोमाफोरा फिन लेंहरफिनायनि उनाव बिसोरो सहरफोराव फेफिनाय गोसो जादों। आनलक-5 या जागायफिनायनि उन्नतिफ्राय 90 जौखोन्दो कम्पानिफोरा खुलिफिन्दों। 41 जौखोन्दो लेबारफोरा गोदान खामानि मोनगोनखी आसा खालामनानै शहर फारसे थांफिन्दों।

लकडाउनया जोबनायनि उनाव फालांगिरिफोरा लेबारफोरखी लेंहरफिनाय थाखाय बिसोरोनि फेफिनायनि बाह्य बेतन बारायना होने आरो 1-2 दाननि बेथनखी होग्रोने नागिरदों। माखासे फालांगिरि फोरा गावसोरनि राइज्योनिफ्राय लेबारफोरनो एसि स्पियार बास, स्पीयार बासबो दैथाय हरदों। गुबुन माखासे फालांगिरिफोरा लेबारफोरनि थाखाय ट्रेनयाव एसि डाब्लानि बुकिबो खालामदों। वेनि अनगायैबो लेबारफोरनो थानो आरो जाग्रा आदारखीबो जागायना होनायनि सुबिदाबो होदों।

भारतआ रांखांथि जौगाखानायनि मडेलखी जौगाखां होनांगोन: आर एस एस

गोदान दिल्ली, 11 अक्ट'बर: आरएसएसनि गागि बिबानगिरि बजरंगलाल गुप्ताआ बुंदों, भारतखी जौगाखां होनायनि मडेल यजनाखी बानायनांगो। बेनि थाखाय बियो खामानिखी बिथा खालामनाय जौगाखानायनि सायाव नोजेर होने सुबुरुन होदों। गुप्ताआ बुंदों जिडिपिआ भारत बादि हादतआव जौगाखानायनि रोखा बाथाखी फोरमाया। बेजों जौगाखानायनि मान्दान्दाखी मोजाडै मोनथिनो हाया। जिडिपिआ मोनसे समनि दरसे हादतनि मुवा बेसाद आरो सिबिथायनि रोखा बेसेन सुनाय। भारत बादि हादतयाव बेबादिया गोरान्थि। मानोना बेयो बै सिबिथायखी लाफादेरा, जायनि सोलायै टेक्सखी लानाय जाया। आइआइएलएम इडनिभासिस्टिनि दीक्षा फोबोंखी सोमोन्दो लानानै बियो रांखांथि जौगाखानायनि भारतीय मडेल सुमंगलमनि सुबुरुन होदों। जेराव खामानिखी बिथा खालामनाय जौगाखानायनि सायाव बोलो होनाय जादों। बियो बुंदों नोगोरारिफोरनि थाखाय गुदि बिथानि गोनांथिखी फुरा खालामनाय, गसिबोनि थाखाय खामानि होनाय, सोलेंथायनि समान खावु, गाहाम देहानि सुबिदाखी जगायना होनाय आरो नोगोरारिफोरखी रैखाथि होनाय।

गाहाय मन्थि मदिनि स्वामित्व यजना, गामिनि हाजार हाजार सुबुंफोरा मुलाम्फा मोनगोन

गोदान दिल्ली, 11 अक्ट'बर: गाहाय मन्थि नरेन्द्र मदिआ मैया एबा 11 अक्ट'बरव स्वामित्व यजनानि गेजेरजों हासा बाहगोनि बिगोमा मोनथायनि लेखा बिलाइखी होनाने गिबि खोलोबखी जागायजेबाय। गामियायि भारतनि थाखाय सोलायनाय लाबोने बेबादि थांखि लानाय जादों। सरकारनि बे थांखिजों 4 बोसोराव 6.62 गामिफोरा मुलाम्फा मोनगोन। स्वामित्व यजनाखी गाहाय मन्थि मदिनि गेजेरजों बे बोसोरनि 24 एफ्रिलआव राष्ट्रीय पन्सायत दिवसआव लाबोनाय जादोंमोन। बे यजनानि गेजेरजों



गामियायि भारतआव सम्पतिजों सोमोन्दो थानाय के सखी आइनारि महरै सुखानायनि थांखि लानायखी रोखा खालामनाय जादों। बे यजनानि गेजेरजों इन साभें टेकनिकनि हेफाजाबजों गामिनि सुबुंफोर थानाय

सम्पति कार्डखी रान्ना होनाय जागोन। बे यजनाखी 2020-2024 नि गेजेराव फुरा खालामनाय जागोन आरो 6.62 लाख गामिफोरखी कबार खालामनाय जागोन। स्वामित्व यजनाया मिरु सरकारनि यजना। बेखी नडेल एजेन्सि पन्सायती राज मावख'आ गनायथि होगोन। राइज्योयाव बेखी गनायथि होने थाखाय खाजोना बिफान आरो लेन्ड रिक्ड डिपार्टमेन्टखी नडेल बिफान बानायनाय जादों, जायखी राइज्योनि पन्सायती राइज्यो बिफाननि हेफाजाबजों बे यजनाखी गनायथि होनाय जागोन। बे यजनाखी गनायथि होनायाव साभें अफ इन्डिया थांखिया गामियायि ओन्सोलाव 'रेकर्ड अफ राइट' होने थाखाय हाबाफारि मावगोन।

66.5 जौखोन्दो सुबुंफोरा खौरां बिलाइखी गोनां आयदा होनानै सान्ना लादों: सि-भटार मिडिया ट्रेकर

गोदान दिल्ली, 11 अक्ट'बर: भारतनि 66.5 जौखोन्दो सुबुंफोरा फोथायोदि, खौरां बिलाइआ सुबुंफोरनि गेजेराव फोसावदिनाय आरो फोरमायनो हानायनि बयनिखुडुबो गोनांथार आयदा। बे बाथाखी मिथिहोदों आइएनएस सि-भटार मिडिया ट्रेकरआ। दुलाराय भारतीय थाखोनि गेजेरजों बे नायबिजिरसनायाव 66.5 जौखोन्दो सुबुंफोरा गोनांथार मिथिहोदोंदि, दासिम खौरां बिलाइनि फोसावदिनाया बयनिखुडुबो गोनांथार आयदा जादों। जेराव 29.2 सुबुंफोर खौरां बिलाइनि फोसावनायखी गोनांथार आयदा सानाखै। मख'नो गोनांदि, कभिड-19 महामारिनि समाव खेफोरथिफोरखी गोनांथार फोसावनाय एबा मिथिहोनायाव गासै 63.1 जौखोन्दो सुबुंफोरा बुडेदि, कभिड-19 नि समाव खौरां बिलाइ फरायनाय एबा नायनाय बांसिन गोनांथार जादों।



जेराव 31.2 जौखोन्दो सुबुंफोरा बेनि सायाव हेफाजाब होयाखै। गासै 75.5 जौखोन्दो सुबुंफोरा बुंदोंदि, मोनफोमबो खौरांफोर आरो हरखाब जाथायफोरनि गासै खौरां बुधुमनायनि थाखाय खौरां बिलाइ फरायनायखी बांसिन मोजां मोन्दों जेराव बे बिथिडव 12.5 सुबुंफोरा मोजां मोनाखै। नायबिजिरसनायनि गेजेराव मिथिनो हादोंदि, हादतनि 75.5 हादतनि सुबुंफोरा आथिखालनि गासै आयदानि सायाव खौरां बिलाइखीबो बांसिन मोजां मोन्दों आरो फोथायदों। खौरां

फोसावनायनि रुजुनायाव तिभि निउस चनेलनि जुथायै दान्थे-बिदान्थे सावरयनायाव 72.9 जौखोन्दो सुबुंफोरा बुडेदि, मोनसे खौरांनि तिभि चनेलआव हसिखावनानै सोंथि खालामनाया बांसिन सुबुंफोरनो मिथिहोने हायो। नाथाय 21.5 सुबुंफोरा बेखी गनायाखै। संदानायाव मिथिनो हादोंदि, खौरांखी फनआव गोनांथार मिथिनो हायो। बे बिथिडव 68.1 जौखोन्दो सुबुंफोरय हेफाजाब होदों। सुबुंफोर बुंदोंदि, फननि गेजेरजों आथिखालाव हरखाब रदाब एबा

खौरांफोरखी मिथिनो हायो। नाथाय तिभि चनेलनिखुडु खौरां बिलाइनि फारसे सुबुंफोरनि मिथिनाय आरो खौरां मोनायाव बांसिन अन्सायनाय आरो मोजां मोनाय फोरमायदों। गुबुन फारसेथि गेलेनाय आयदाफोरनि फारसे तिभि निउस चनेलखी बांसिन सुबुंफोरा अन्सायनाय फोरमायदों। बेनि अनगायैबो 65 जौखोन्दो सुबुंफोरा खौरां बिलाइयाव एडभार्टइस फोसावनायखी हेफाजाब होदों। मख'नो गोनांदि, बे नायबिजिरसनायखी भारतनि गासै राइज्योफोरनि सिडव थानाय जिल्लाफोराव 5 रोजानिबो बांसिन सुबुंफोरनिफ्राय गुबुन गुबुन आयदाफोरनि सायाव सोंथि खालामनाय जादोंमोन। बे नायबिजिरसनाय हाबाफारिया सोलिफुबोसोरनि थानाय सेप्टेम्बर दाननि जोबथा सप्ताहनिफ्राय आरो अक्ट'बरनि गिबि सप्ताहयाव सोलिदोंमोन।

सा 200 कभिडनि बेरामिफोरखी मदत खालामनानै जोबथायाव एम्बुलेन्सनि ड्राइबारअ जिउ ख'हा

गोदान दिल्ली, 11 अक्ट'बर: मुलुगनाडै नो गिथावनानै गोहोम गोरलैनाय कभिड-19 नि हेंथायै सरकार गोखोडै जुजिनय हाबाफारिजों बे बिथिडव देहा बिफानखी गोनांथार नोजेर लाखिनो बिथोन होनायाव साफोमबो देहा सिबिथाय होनायजों सोमोन्दो थानाय फाहामगिरिनिफ्राय लानानै नार्स, स्टफ आरो एम्बुलेन्स सिबिथाय होग्रा गारिनि सालायगिरिफोराबो थि समावनो गाव-गावनि माव बिबानखी मेंनाय बानाय गैयाजसै सोलिहोबाय थार्दों। मुलुगनि गेजेरावनो भारत हादतयाव कभिड-19 जों सन्देरजानाय सुबुंफोरनि अन्ज्रमाया गोखेसिन खारबाय थानाय समनि गेजेरावनो बे कभिडनि जिन्त्रिखी बोस'नो



थांखिजों देहा बिफानआ गोनांथार बिफाव लादों। बेबायदि समावनो गिनाय मेवनाय गैयाजसै गावनि बिबानखी थि समावनो सामलायनाय एम्बुलेन्स सिबिथाय होग्रा गारिनि सासे ड्राइबार गोबां सुबुंफोरखी मदत होखानायनि उनाव जोबथायाव गावनो जिउ खोमाना लानो गोनां जादों। सुलुंनिफ्राय मिथिनाय बायदिल्ला एम्बुलेन्स सालायगिरि अरिफ खानआ

थांनाय माखासे दानफोरनि गेजेराव सा 200 निबो बांसिन कभिडजों सन्देरजानाय बेरामिफोरखी गावनि सालायनाय एम्बुलेन्सजों देहाफाहामसालिसिम लालाय-लाबोलाय खालामनायनि बाखनाय जाथाव बिफाव लानायनि गेजेरावनो कभिडजों जोबथायाव जिउ बावसोमोनो गोनां जाबाय। गोदान दिल्लीनि सिलामपुरनि थागिबि आरिफ खानआ थांनाय 6 दाननिफ्रायनो

एम्बुलेन्स सालायनानै आरो गावनि माव बिबानखी सोलिहोबाय थानानै न'थाय थानो खावु मोनाखेमोन। नाथाय गुबुनखी रैखाथि होने थानायाव आरो गोबां सुबुंफोरखी मदत होबोनानै आरिफ खानआ गावनि बिसि फिसाफोरनि मोखांखी थानाय माखासे दाननिफ्रायनो नुवालासै बे बुहुमनिफ्राय अराय समनि थाखाय आन्त्रायलाडो। सुलुंनि बायदिल्ला थांनाय 2 अक्ट'बरखालि आरिफ खानआ कभिड-19 जों सन्देरजादोंमोन। बेनि उनाव बिखी फाहामथायनि थाखाय दिल्लीनि हिन्दु राव देहाफाहामसालियाव थिसन्याय जायो। नाथाय खाफाल हावरिया बाथादि, गोबां सुबुंफोरखी मदत होबोनाय एम्बुलेन्स सालायगिरि आरिफ खानआ फाहामथाय लानायनि गेजेरजोंबो जोबथायाव हं बोयो।

15 अक्ट'बरनिफ्राय गोदान दिल्ली आरो कटरानि गेजेराव फिन बन्दे भारत एक्सप्रेसआ खारफिनसिगोन

गोदान दिल्ली, 11 अक्ट'बर: भारतीय रेलवेआ गोदान दिल्लीनिफ्राय बैण्णब देबी कटरासिम खारनो गोनां बन्दे भारत एक्सप्रेसखी फिन जागायजेनफिनो थांखि लाबाय। बे एक्सप्रेसआ सोलिफु अक्ट'बर दाननि फेगो 15 अक्ट'निफ्राय खारफिनगोन। बे ट्रेनि नम्बर 22439/22440 आ 15 अक्ट'बरनिफ्राय दिल्लीनिफ्राय कटरासिम खारगोन। नवरत्रियाव बैण्णब देबीसिम थांनो गोनां भक्त एबा सिबियारिफोरखी नोजेर होनानै बन्दे भारत एक्सप्रेसखी जागायजेनफिनो थांखि लानाय जादों। गोदान दिल्ली-श्री श्राता बैण्णब देबी कटरासिम बन्दे भारत एक्सप्रेस रेल गारिखी मंगलबारखालि हगारनानै सप्ताहयाव गासैबो सानावनो

खारगोन। गोदान दिल्ली रेलवे स्टेसननिफ्राय बे ट्रेनआ फुंनि 6 रिगानिफ्राय खारजेनानै आरो बेलासिनि 2 रिगायाव कटरा रेलवे स्टेसनसिम सहैगोन। फेफिनाय समाव ट्रेनआ कटरानिफ्राय बेलासिनि 3 रिगायाव जागायजेनगोन आरो हरनि 11 रिगायाव बे ट्रेनआ गोदान दिल्ली रेलवे स्टेसनव सहैगोन। खारनायनि



गेजेराव बन्दे भारत एक्सप्रेसआ अम्बाला केन्त, लुडियाना आरो जम्मु रेलवे स्टेसनाव लाखिगोन। गोदान दिल्लीनिफ्राय कटरासिम खारनो गोनां बन्दे भारत एक्सप्रेस ट्रेनाव एसि सेयार कारनि बेसेना 1630 रां जागोन आरो एगजिकुटिफि कारआव दावबायारिफोरा दावबायनायनि थाखाय 3,015 रॉनि टिकेटखी

लानो हागोन। बेजों लोगोसे प्राइभेट ट्रेन टेजास एक्सप्रेसआबो सोलिफु बोसोरनि फेगो 17 अक्ट'बरनिफ्राय जागायजेनगोन। बे ट्रेनि सिटनि थाखाय बुकि खालामनाया थांनाय 8 अक्ट'बरनिफ्राय जागायजेनबाय। टेजास एक्सप्रेसआ लक्षनौ-गोदान दिल्ली आरो आहमेदाबाद-मुम्बईनि गेजेराव खारगोन। इन्डियान रेलवे ट्रेन रिजार्भसन् सार्टनि टर्किंखीबो सोलाय-सोल' खालामनो थांखि लादों। थांनाय 10 अक्ट'बरनिफ्राय रेलवेनि नैथि रिजार्भसन् सार्टखी खालामनाय जाबाय। दासादि महामारि कभिड-19 नि गोसास्ताय थासासिखी नोजेर होनानै ट्रेनिनि खारनायखी सोलाय-सोल' खालामनाय जादों।

मिथिंगा

रन्जय कुमार बर'
लावखिगुरि, कक्राझार

बेसेदि समायना बेसेदि रमायना जॉनि
बे आसाम हादरनि मिथिंगा बिखाया।
सारि सारि बिफां लाइफां लारि लारि
हाजोनि सारि जॉनि बे आसाम हादरआ।
जैरैबो सोरगिदिं समायना रमायना गय
खान्थाल थाइजौनि बारि बर फिसानि
गामि, गोजौ गाहाय जैरैथिबो समान
जॉनि बे बर हारिनि गामिया, समायना
रमायना गाबजों दाजानाय गोमो गोथां
रनि बर हिनजावफोरनि दखना गान्नाय।
बेसेदि समायहाब होदों जॉनि हारिनि
सिनायथि समायना मिथिंगा बिखायाव
मा एसे मोजां समाय नाइनि गोमो गोथां
गाबजों मा एसे समाय हाबदों जॉनि बे
मिथिंगानि बिखायाव आय हाबाब।

मोदैनि बाना

राइदाव कुमार बर'
लावखिगुरि

आंनि मेगनि मोदैखौ सोर हुगारनो,
गैयामोन आंनि थाखाय गोसोआव रावनिबो
अन्नाय आरो गोसो गोरबोजों मोजां मोन्नाय
सान्दोंमोन आंलाइ बुहुमाव उजिनानै
मानसिनि अन्नायखौ मानसियानो मोनगोन होन्ना
नाथाय माथो मानसिनि अन्नायखौ मानसिया
मोनालासै गुबुन मासे सैमा बांग्रायासो मोनबाय।
आं जेब्ला थाखो डाइनआव फरायदोंमोन
अब्ला आं सासे समायना महरगोसा
सिखलाखौ मोजां मोन्दोंमोन।
अब्ला आं सिगां खेब अन्नायखौ बिनाव बिदोंमोन
नाथाय, बियो आंनो अन्नायखौ
होदोंमोनबो, आं जेब्ला गोरबो बिखानिफ्राय
अन्नायखौ गोमोमै होदोंमोन अब्ला बियो
बुंदोंमोन आंहा गुबुन सासे दंखायो होन्ना
अब्ला बियो बुंनय लोगो आंनि अनगायै
गुबुन सासे सेंग्राजों मोजां मोनलाइदोंमोन।
नाथाय बिनि साननायाव आंनि गोरबोया थेर बेथेर
गावझा लाडे बारजों
उरां फारां सान्नायजों बोदोर बावलि
अब्लानिफ्राय आंनि सान्नाया
फामोला जायो।

आंनि सिमां

मिच क्लारा खाख्तारी
आमलाइगुरि
हालांवाजार

रोजाबनाय दाव मैनानि बादि
बेसेदि मिलौदो रावमोन नॉनि
बिरहानाय सिखिरि बादि
बेसेदि समायनामोन नॉनि महर मुझिआ
समायना बिबार बागान बागान
बेरायनो लासै लासै थाबायलांदोंमोन।
जिरि जिरि बोहेनाय दैमा सेराव
जिराय हैदोंमोन, दानदिसे उनाव
नाथाय हरखाबनों बबेववा
आंखौ नागारना गोमालांदोंमोन।
सानदोंमोन आं अब्लाबो-
दं जानांगौ बबेववा खाथियावनो
बेखायनो नागिरदोंमोन
नाथाय खाथियाव गैया नों,
नॉनि मुंखौ मखना गाबज्रदोंमोन
आरो गोबारै राव होनाय।
लोगो लोगोनो आं सिरि मोनखांबाय
बबेयाव दं थाल खालामबाय,
अब्लासो आं आन्दाज मोनबाय
दोंसे सिमांसो उन्दुनाय समाव नुदों।

मेग'नाव मोदै जानांबाय

अनसुमै नार्जारी
गंगिया, कक्राझार

दानलाय-सुलाय दासिमबो
जोबनो गैयै बर'नि सुथुर,
जोबनानै थाइखै।
बबे जुगाव जोबनानै थांगोन
बेनिबो ओंथि गैया।
मोनथिस'हाया आरो बबे जुगाव
सुख सान्थिआ माब्लादि फेंगोन
बेखौबो नायहरब्लाबो नुदुरस'नो मोना
सिमाडवना मोकथाडव।
नाथाय दासिमबो बर'माहारिआ
राइजो मोनदोंब्लाबो सुख सानथिआव फैयाखै
दानलाय-सुलायआवनो बर'माहारिआ थैना थांनोसै
बर'माहारिआ दिनैसिमबो खौसेयै गैयाब्ला,
बर'बिमानि मोदैआ हाजोनि दै गबोनाय बायदि
मेगनि मोदैआबो र' र'.....
बोहैबोबाय थागोन।
बुजिनानै ला बर'फिसाफोर-
मा जालांनो हमदों ईसोरासो मोनथिगौ।
नाथाय जॉनि जाथायखौ जों मोनथिनो मोना
मा जालांगोन बबेआव हाय,
फै बयबो खौसेयै जानानै गुबुन हारिखौ
बर'नि आधिं सिडव दोनो
सोर बर'आ बिर जोहोलाव उजिफैबावनो,
गुबुन हारिखौ फोजोबनोलाय।
बै जुगनिफ्राय खौसेयै दंमोनब्ला
मेगनाव मोदै खुगायाव खुदै जानांनय नडमोन
हर'माहारिआ।

रेबगन

प्रिन्स बसुमतारि
कक्राझार

‘ओंखारदों आं दिनै
दावहा थिलियाव
दावहा नानो
रेबगननि गोहो जों।
जुजिगोन आं-
बे दावहायाव,
उथ्रिसारगोन आं
बे थांखिआव।
रेबगननि गोहोजोंनो
जाकुंहोगोन आं,
मिजिंथिखौ आंनि।
बे रेबगनजोंनो
जागोन आं देरहासार।
रेबगनानो आंनि गुबै गोहो,
बेनो आंनि हाथियाव।
उथ्रिसार जालांगोन बे बुहुमाव-
देरहासार जालांगोन बे मुलुगाव,
रेबगनजोंनो....।

आंखौ मिथिया नों मानो ?

मिस हेना रानी मछाहारी
कक्राझार गार्लस कलेज
कक्राझार बि टि सि आसाम।

आंखौ मिथिया नों मानो ?
नोंखौ आंदि बेसेबां मोजां मोनो हास्थायो रजे,
आंदि नोंखौ खाथियाव मोननोथाखाय बेसेदि लुबैयो,
नॉनि थाखायनो जेब्लाबो मोदै हुगारो आं इसोरनाव
आरज गाबो।
आंनि मोजा मोननाइ अननायखौ फोरमायनो सानो,
गोर्बो सिडव हाबहावनानै थानाय मोजां मोननायखौ
आरज गाबो।
नाथाय हाया आंनि बे जावलिया गोसोया,
अरायबो नोंखौ लोगो हमनो,
फोरमायनो गोसो गोर्बोनि बाथा
नॉनि सिगाडव फारियै बेखेवना होनो।
खुद्रियो आंनि गोसोयाल' हारिंडे जेब्लाबो
बाथा फंसे रायज्जालयनो नोंजों,
नाथाय जोंखौ लोगो मोनबोला,
आंनि गोसोया हारिसिडै गिखाडे,लाजिखानाय फैयो।
नोडे आंनि मोजां मोननायखौ हमदानो हाबायबोला,
आंनि हास्थायनायखौ सुफुंदो नों अनजालु,
दड आंहा गोसोआव गोबां दुखु-हांमा,
मोननो फंसे गोदै राव नॉनि खुगानिफ्राय।
हांमाल' दोनलांगोन नामा नौलाइ अनजालु
आंखौ बे जोनोमावलाइ,
दिनैनिसम बेसेबां गोबाव जाबाय
आं नोंखौ मोजां मोननाया,
नाथाय आंखौ मिथिया नों मानो दाबी ?

रंजालि गथ' फोरनि सौरा

बै जोनोमाव

कनौस कार्जी
गसाइगाव, कक्राझार

सानबायमोन गोसोआ आंनि
नों रजेखौनो जुलि लानो।
नों रजेजोंनो आंनि
जिउनि दिडखौ जावगारलानो
सानाखिसैमोन बे जोनोमाव
गुबुन अनजाली नाइगिरनो।
नों रजेखौनो आंनि गोर्बोया
अराय समनि थाखाय बोजबबायमोन।
नाथाय बियो आंनि गोसोनि कलप'नासोमोन।
मोकथाडव आं बै रजेजों
गोबां बोसोर मोजां मोनलाय बोदों
गोसो थोलाय बोदों।
मेगनजों मेगन गोसोजों गोसो।
सानफ्रोमबो नुलायोमोन ब्लाबो
सानफ्रोमबो रायज्जालयोमोन ब्लाबो
खुगायाव सानैजों गैलायामोन
मोजां मोन्नायनि गोसो थोनायनि राव।
आंदि बै रजेखौ बेसेबांदि
गोसो गोथारै मोजां मोनबोदों
गोसो थोबोदोंमोन
नाथाय बेखौ रावबो मोनथिया।
गसाइनाव आरज गाबोमोन आं
नॉनि आंनि मोजां मोनलायनाया
गोसो थोलायनाया।
अराय सम गोसो सिडव थाबाय थाथों।
नाथाय मा खालामनो ?
सुबुनि सामफ्रोमबोनि सान्नाय
बायदि गासैबो सोलि जोबा।
बावआ नड बावगार नांबाय
आं बे जोनोमाव नों रजेखौ।
गोसो सिंजों मोजां मोन्नाया
गोसो थोनाया गोसो सिडवनो थाफिनबाय निजोमै।
जीउआव नों रजेआ थार लामाजों
दावबाय लानो हाथों।

बर' हारि

जनन कुमार बसुमतारि
खुंघिं, खरफागुरि (खुंघिं)

बेसेदि समायना फैलाव गुवार.....

गोगोम सोरगिदिं हाजो हाला

दैमा-दैसा जिरि जिरि

आय' बेयोदि बर हारि।

बेसेदि गोदै मिलौदो बर' बिमानि राव,

बेसेदि ख'हाब गोनां बर' बिमानि हारिमु,

जोहोलाव-जोहोलावजोफोर

सोमदोम दैमालु बिरगोसिमोननि

बिखानि दुंबुद थैजों दाजानाय

नौदि बर' हारि।

सोमखोर मिथिंगानि बिफां लाइफां

दावसिन एम्फो एनलाफोरा

जेब्लायबो रोजाबो दंखो

मोसायो अराय देमग्लाय-देमग्लाय

आय' बेफोरदि बर' हारिनि

असे आंगो लोगो।

जेना बर' हारिआ

फासया बर' हारिआ

दावगाफिनगोन सानसे

आगान सुरगोन बर बिमानि फिसा

दानो गेरमसा हारि

बेनोदि आंगो बर' हारि।

हास्थायनाय गोसो

मिच सुप्रिया बसुमतारी
सेरफांगुरी गोजौ फरायसालि
कक्राझार बि टि सि (आसाम)

हास्थायनाय गोसो आंनि नोंखौ,
नाथाय दं नों बेसेबा गोजान
मोनहास'यै दाबसे मुलुगाव।
हास्थायो आं बे जोनोमाव नोंखोल'
नाथाय मोनहास'या रजे आंनि थांखि,
जाफुनाय नड नामा आंनि हाबिला।
सिमा गैया आंनि नोंखौ हास्थायनाया,
मोनहास'यै मुलुगानि गेजेराव नोंखौ,
सौहैना सौहैया आंनि थांखि।
नेना दं आं नोंखौ मोनहास'यै मुलुगाव,
नाथाय फैमालसो जागोन नामा
बे जोनोमाव आंनि नोंखौ हास्थायनाया।
थायनै मेगन आंनि नोंखौ नोजोर,
नोंखौ मोनाब्ला सानो आं
थानानै थानायनि राहा गैया।
मादि जागोन बे जोनोमाव
आंनि नोंखौ हास्थायनाय,
समनि बुब्बियाव फैमालसो जागोन नामा।
दुखु सहायबाय आं नॉनि थाखाय,
मोनहास'यै मुलुगाव नोंखौ हास्थायना,
नाथाय मोनहास'यै दाबसे मुलुगाव नों।

हाइनासि बैसागु

जोंसार ब्रह्म

हाइनासि बैसागुआ सौफैलायबाय
हाइला लाइ हुइला लाइ
बाज्ज'खं बाज्ज'खं
मिथिंगा मुश्रीनि सोमखोर मुहिनयजों
दावसिन-दावलानि मेथाय खन्नायजों,
बैसागु बोथोर आय' नों-
मा इसे मोजां गाबलायो,
गोसो सिंनिफ्राय रंजानाय लाबोयो!
बोसोराव खेबसेल' बोथोर नों फैनानै,
गोजाम बोसोरनि दुखु-दाहाखौ बिदाय होनानै
बरायो नोंखौ बयबो हाबिलास गोसोजों
गोदान बोसोरनि रंजानायजों।
अन्नायनाय अन्सायलायनाय नों-
बइनोबो होफेनानै,
गोदान बोसोरनि गोदान मिजिक ना-
आय' बैसागु नों मा इसि मोजां!
बइनिबो गोसो गोरबोयाव हाइना सारफावयो।

बेरेखा

देबासोन ब्रह्म
वेंतल, एडस एस सेथि बोसोर

दैसा जिंयाव हारिंजि जिरायना,
फारि फारि नायलांदों आं,
सोरगिदिं मिथिंगानि समायना नुथाय,
अब्लाबो नुनो मोनाखै बिसोरनि गेजेराव बेरेखा
साखाथिनि फैलाव फोथाराव
दावसिन-दावला रंगिना खुसि आदार खनजादों।
दावखा, दावथु, दावश्री, फानफेवयाली, दावब',
गुबुन गुबुन अब्लाबो अराय खौसे।
बोहैलानाय दैसानि दैयावबो दडे,
सान्ध हायै बायदि फोलेरनि ना।
दावलाडे बिसोर खौसेयै हान्जा-हान्जा।
जाफेराखै माब्लाबाबो मानिबा थाखाय दावहा
इसोरनि देरसिन सोरजनि गेजेराव
बिदा-बिनानाव, बिबथे -बियादै जाति-बंस'
जाबायदों दिनै दौलतनि
गिरु-बालु, मुगैथाव, गोमोथाव खुरुक्षेत्र दावहा
मानो, मानि थाखाय, मा मुलाम्फा नागिरनानै।



बि पि एफआ बि टि सि आव ब्रैथि खेबनि थाखाय सरकार दागोनः रबिराम नार्जारी

(□ *1 बिलाइनिक्राय*) देरहागेननि दाबिदार खालामबोबाय थारदों। बुक्लियावनो सोनाब कक्राझार बियाबनि एम एल ए आरो बि पि एफ राजखान्थि हान्जानि लेङइ आफादगिरि रबिराम नार्जारीआबो खुंजानो गोनॉं बि टि सि बिसायखथियाव बि पि एफ हान्जायनो बांसानखो मासि देरहानानै 4थि खेबनि थाखाय फिन खुंथायनि गोहोयाव फैफिनगोन होन्नानै दाबि खालामदों। दिनै कक्राझारआव खौरंगिरिफोरजों मोगा-मोगि जानायाव एम एल ए नार्जारीआ बुडोदि, बे खेबनि खुंजानो गोनॉं बिसायखथियावबो राइजो-राजाफोरनि आबुडै मदत मोन्नायनि गेजेरजों बि पि एफ हान्जाया नांगोंसेबां मासि देरहानानै 4थि खेबनि थाखाय सरकार दाफिनगोना रोखा। बि पि एफ हान्जाया थॉनाय 2005 निफ्रायनो हालामनि गासै हारि-हारिसाफोरनि थाखाय समानै जौगाथाय आरो अन्सायलु खामानि मावबोदों, बे हिसाबै राइजो-राजाफोरा बि पि एफ नि सायाव फोथायनाय दं आरो फैबाय थानाय बिसायखथियावबो भट होनानै बि पि एफ हान्जाखी देरहासार खालामगोन। फैबाय थानाय समाव हालामनि थागिबि राइजो-राजाफोरनि जौगालु, गोजोन, खौसेथि आरो गोग्गो आबहावया दानो थाखाय मडेल बि टि सि खालामगोन होन्नानैबो एम एल ए नार्जारीआ बुंबावयो। बेजों लोगोसेनो बि टि सि आव गोग्गो सुबुं खुंथाय आरो गोजोन खौसेथि जौगाथायनि थाखाय दिनबाव खालामजासे थाबैनो बिसायखथिखौ खुंनो थाखाय राइज्यो सरकार आरो बिसायखथि आयगखौ खावलायो। बि टि सि आव मडेल कड अफ कन्डाक्ट जाबसिन्नाय आरो सोलिफु कभिड-19 नि अलखद समाव बे हालामनि राइजो-राजाफोरा गोबां जेंना-जेंसिफोरजों मोगा-मोगि जानादों आरो थॉनाय 6 दाननिफ्रायनो बि टि सि आव गासै जौगाखां हाबा-हुखाफोरा थाबथानार दड। बि टि सि आव राइज्यो बेंगिरि खुंथायनि समाव बे हालामनि सुबुंफोरा बायदि मोनॉं गोन्थायफोरखौ मोनाखे होन्नानैबो एम एल ए रबिराम नार्जारीआ अजद होबावयो।□

बाथौ आस्त्रम जथाय आफादआ गुन गोनां फरायसाफोरखौ बरायदों

(□ *1 बिलाइनिक्राय*) आफादआ। फरायसाफोरखौ मान होनानै बरायनाय हाबाफारिआव आलासि महरै बाहागो लादोंमोन आजिरा मोन्नाय गाहाय फोंरेंगिरि सुरेन्द्रनाथ लावजारीआ। गावनि बिबुंथियाव सुरेन्द्रआ फैबाय थानाय समाव हारि आरो हादरनि सासे फरायसाया माबौरै गोखों दैदेनगिरि जानो हायो बेनि सायाव गुवारै बिबुंथिनि गेजेरजों बोसोन होयो। बे हाबाफारिआवनो ङ घणकान्त बसुमतारिआबो थांखिजानाय बुंथिगिरि महरै बाहागो लायो। फरायसुला-फरायसुलिफोरजों लोगोसे बिमा-बिफा एबा दिथागिरिफोरबो फरायसाफोरखौ मान होनानै दिनैन बरायनाय हाबाफारिआव बाहागो लादोंमोन।□

बेंगली फेडारेसननि सालाकाटि दखरा आफाद दाफुदों

(□ *1 बिलाइनिक्राय*) आरो मिरुनि लोगो नेहाथारि जित पालनि दैदेन्नायाव सालाकाटिआव थानाय मावख'आव खुंनाय मेलआव रजु देवनाथखौ आफादगिरि आरो बिपुल देवनाथखौ नेहाथारि महरै लानानै सा 41 सोद्रोमाफोरनि गेजेरजों सालाकाटि दख'रा आफाद दाफुंनाय जायो। आफाद दाफुंनायनि बे मेलआव फेडारेसननि कक्राझार जिल्ला आफादगिरि अखिल देवनाथ, बिटिएडि ओन्सोल आफादनि बोसोनगिरि शिबशंकर साहा, बडाइगाव जिल्ला आफादनि बुंथिगिरि मानिक कुमार दत्त मोनहा बाहागो लानानै बिबुंथि लाखियो। मेलआव साफ्रोमबो दैदेनगिरिआ बिबुंथि लाखिनानै हारिनि सार्थआव खामानि मावलांनो गोदानै दाफुंनाय आफादखौ फोसावो। फार्सेथिं आफादनि मोनसे सॉंथिनि फिन्नायाव फेडारेसननि मुडाव हान्जा दाफुंनाय बाश्राखौ थॉजोडैः नेवसिगारो फेडारेसननि मिरु लोगो नेहाथारि पालआ। बिथाडा बुडोदि, राजखान्थि नडै आफाद हिसाबै फेडारेसनआ अरायसम गावनि सार्थ आरो थांखिजों हारिनि थाखाय खामानि मावलांगोन होन्नानै बुंथियो।□

दुलाराय आसाम गुबुन गुबुन गोग्लैसोनाय थाखो गौथुमनि मावफुं मेल खुदों

(□ *1 बिलाइनिक्राय*) बसन्त कुमारआ। बे मेलआव थॉनाय बावैसो साननि गेजेराव गौथुमनि जौगाखां ट्रस्टनि गुबुन सासे लाइमोन सोद्रोमा निबन्धयति बरुवा, आफादनि नेहाथारि प्रानेस नाथ, गागि सोद्रोमा ङ रमेश गहाइ आरो लेङइ आफादगिरि कालामउदिन शइकियानि जिउ खहा जानायाव दुखु मोन्नाय फोरसायनायजों लोगोसे बिसोरनि गोजोन जिउमानि थाखाय आर'ज खालामो। मेलखौ जागायजेन्नायनि सिगां देंखोगिरि अनुप चन्द्र रायआ देंखो रोजाबनानै मेहेरगोनॉंसिन खालामनाय मेलआव फैगौ 30 नभेम्बरनि गेजेराव आसामनि मोन 33 जिल्लाफोरवब सोद्रोमा थिसन्नाय हाबाफारिआ जागायजेन्नाय, आसामनि गुबुन गुबुन जिल्लायाव अबिसिनि फोरमानलाइ मावफुंनायनि बिथिडव गुबुन गुबुन जेंनाजों भुगिनांनाय, गौथुमनि बोसोरारि जथुमखौ फैगौ 31 डिसेम्बरनि गेजेराव तिताबरआव खुंनो लानाय जागोनब्लाबो बे जथुमखौ उनफिन्नायनि गोनांथि जायोब्ला फैगौ 3 जानुवारीआव खुंनाय जेगोन आरो गौथुमनि गायसन्थाय सानजों लोगोसे गुबुन गुबुन आयदानि सायाव सावरायलायनायनि माखासे बिथांखिफोर आजावनानै लायो। बे मेलआवनो आसामआव अबिसिनि थाखाय आलादायै सुबुं सान्नाय हाबाफारिखौ दाफुंनायनि थाखाय सरकारनि खाथियाव दाबि खालामनाय जागोन होन्नानै बिथांखि आजावना लायो। मेलआव चिरां जिल्लानि गोग्लैसोनाय थाखो गौथुमनि आफादगिरि केशव बाहादुर शेत्रीआ अबिसिआव नेपाली आरो गखांफोरखौ अबिसिनि फारिलाइयाव सोसनांगोनिय आयदाखौ रायखानानै बे बिथिडव थाबैनो रहा लानो थाखाय सरकारनि खाथियाव दाबि खालामो। बे बाश्राखौ मिबथिहोदों चिरां जिल्ला अबिसिनि आफादगिरि केशव बाहादुर शेत्रीआ।□

बिहार राइज्यो बिधान सभा बिसायखथिनि थाखाय सा 30 स्टार केम्पेइनारफोरनि फारिलाइखौ फोसावबाय

(□ *1 बिलाइनिक्राय*) खुंथायनि दखलखौ लानो थाखाय बिसायखथियाव गोखोडै बाहागो लानो साखा-फारा जादों। बे बिसायखथिनि थाखाय बि जे पि या दिने सा 30 स्टार केम्पेइनारफोरनि मुं फारिलाइखौ फोसावबाय। स्टार केम्पेइनारफोरनि मुं फारिलाइ फोसावनायाव गिबि सारियाव गाहाय मन्थि नरेन्द्र मदिखौ दोन्नाय जादों। बेबायदिनो स्टार केम्पेइनार महरै नैथि सारियाव दं बि जे पि नि हादतयारि आफादगिरि जे. पि. नड्डु, थामथियाव रेखाथि मन्थि राजराज सिं, ब्रैथियाव मिरु नख'र मन्थि अमित शाह, बांथियाव ड॰ सन्जय जयसवाल आरो द'थि फारिलाइआव सुसिल मदि। बेबायदिनो खुंजानो गोनॉं बिहार बिधान सभा बिसायखथिनि थाखाय स्टार केम्पेइनार महरै स्मृति इरानि, यगी यादियु नाथ, गिरिराज सिं, नित्यानन्द राय, आर. के. सिं, अरव्जीनि कुमार चौबे, धर्मनंद्र प्रधान, रघुबर दास, मनज थिवारी, रामकुपाल यादव, शुसिल सिं, सन्जय पास्वान, बिबेक ठाकुर, बाबुलाल मारादिन्द मोनजों लोगोसे बि जे पि नि गुबुन गोबां गिबि सारिनि दैदेनगिरिफोरखौ सायखानाय जाबाय। मख'नाय जायोदि, बिहारनि बिधान सभा बिसायखथिया मोनथाम खोलोबाव 28 अक्टबर, 3 आरो 7 नभेम्बरआव खुंजागोन आरो बिसायखथिनि फिथाइखौ 10 नभेम्बरआव फोसावगोन।□

दिनैनिक्राय बगिबिल दालांजों राजधानी एक्सप्रेस खारसिगोन

(□ *1 बिलाइनिक्राय*) दालानि गाहायाव थानाय रेल ट्रेकजों खारजेगोन। बेनि उनाव फैगौ 15 अक्टबरआव गोदान दिल्लीनिक्राय डिब्रुगडसिम बे राजधानी एक्सप्रेसआनो फैफिनगोन होन्नानै सुलुडव फोरमायदों। गाबोननिक्राय खारजेनो गोनॉं राजधानी एक्सप्रेसआ हादरनि मोन 23 रेल स्टेसनफोरव लाखिनाय जागोन। मख'नो गोनॉदि, भारतनि गाहाय मन्थि नरेन्द्र मदिआ आसामनि मख'जाथावना आरो एसिया हादरनि गेजेरावनो नैथि गोलावसिन बगिबिल दालांखौ थॉनाय 2018 नि 2 डिसेम्बरखालि थामहिनबा अगुनि गाहाय मन्थि अटल बिहारी बाजपेयीनि जोनोम सानआव बेखेवनानै होदों। बे बगिबिल दालांखौ गासै 5,900 कौटि रनि बाजेटजों हिन्दुस्तान कनस्ट्रक्सन कम्पानीआ बानायफुदोंमोन। गिबि खेब बगिबिल दालांजों खारजेनो लानाय राजधानी एक्सप्रेसनि गेजेरजों हादरनि गुबुन गुबुन राइज्योफोरव एबा जायगासिम दावबायलांनायनि फासै आसामनि सुबुंफोर मोजों खालुखौ मोनो हागोन। बेनि अनगायैबो बगिबिल दालाइ भारतीय सान्थिफोरनि थाखाय जोबोद गोनांथार जादों। मानोना अरुनाचल प्रदेशनि सिमना ओन्सोलाव थानाय चीनजों दावहा जायोब्ला बे दालांखौ सान्थिफोर थि समावनो गोनांथारै बाहायनो हागोन। आसामनि गिबि मन्थि सबानन्द सनवाल आरो राइज्यो बेंगिरि जगदिश मुखिआ बै समनि बेखेवनाय समाव गाहाय मन्थि नरेन्द्र मदिजों लोगोसेयै बगिबिल दालाइव थाबायनानै साफ्रोमखौबो थुलुंगाखां होनो हादों।□

भवानीपुर ब्लक आइजो कंग्रेसनि मेलआ जोबलांबाय

(□ *1 बिलाइनिक्राय*) जागायजेनो लादों। मख'नो गोनॉदि, भवानीपुर आइजो कंग्रेसनि दैदेनगिरि सन्दिका बैश्यनि दैदेन्नायाव भवानीपुर बियाबनि कंग्रेस दैदेनगिरिफोरा पन्चायतनि मोनफ्रोमबो ओन्सोलावनो दोलोनि मेल खुंनाया सोलिगासिनो। दिनै सावलियाबरि आरो दाथिरबरी पन्चायतआव आलादा-आलादायै खुंनाय आइजो कंग्रेसनि दैदेनगिरिफोरा मेलनि गेजेरजों दोलोनि सोद्रोमाफोरखौ बिसायख'थिनि सोमोन्दोआव माखासे सोलो-बोलोनि आदोबफोरखौ फोरमायथिना होयो। बेबादिनो दाथिरबरी पन्चायतनि दुमारपुर मात्रासा स्कुलआव आरो सावलियाबरी गुदि फरायसालिआव खुंनाय मोननै मेलआव बिबुंथि लाखियो आसाम प्रदेश कंग्रेसनि लेङइ आफादगिरि ङ मन्जुखि पाटक, आइजो कंग्रेसनि गाहाय नेहाथारि जुगस्मिटा तालुकडार, नेहाथारि मौसुमि बेगममोनहा। बे मोननै मेलआवनो मोननै पन्चायतनि कंग्रेस कमिटीनि दैदेनगिरिफोरनो थिसनलाइ रनानै होयो।□

भारतआव कभिड-19 नि सन्देरनाया खमायबोगासिनो

(□ *1 बिलाइनिक्राय*) कभिड-19 सन्देरनाय रोगिनि बिसाना 60 लाखनि बांसिन जाबाय। आरो बे भाइरासजों जिउ गोमानाय सुबुंनि बिसाना 1,08,334 सिम जाहैबाय। मिरुनि देहा बिफाननि मन्थि आफादआ गोदानै खेफोरथि होनाय बायदिब्ला थॉनाय 8 साननिफ्रायनो हादतआव कभिड-19 नि सन्देरनाया बाडाइ जाबोदों आरो थैनायनि हारआबो खमायबोदों। मन्थि आफादनि बायदिब्ला थॉनाय 8 साननिफ्राय हादतआव कभिड-19 जों सा 1,०00 नि बाडाइसिन सुबुंफोरा जिउ गोमादों। नाथाय बेनि सिगां सानफोराव सानसेयाव सा 2,000 निफ्राय 3,000 सिम सुबुंफोरा जिउ गोमायोमोन। सोलिफु कभिड-19 नि सन्देरनाय आरो जिउ गोमानायनि हारआ बाडाइ जाबोनायखौ नोजोर होयोब्ला हादतआव फैगौ माखासे दानफोरनि गेजेरावनो कभिड-19 निफ्राय उदां जानो हागोनखौ मोन्दाथि लानो हायो।□

आजमलनि हारिमुनि हेंथायै जों खौसेयै जुजिगोनः हिमन्त

(□ *1 बिलाइनिक्राय*) माल्बाबाबो जाफूसारहोनाय नडा होन्नानै बुडो। हिमन्तआ बुडोदि, मौलाना बद्रउदिन आजमलनि दैदेन्नाय एअइइडिफ रजखान्थि दोलोनि हारिमु आरो सोदोमखिनि हेंथायै आसामनि सुबुंफोर खौसेयै जुजिगोन। दिनै डिब्रुगड जिल्लायाव भास्तीय जन्ता पार्टीनि आइजो मर्सानि राइज्योयारि मावफुं मेलआव बाहागो लानानै मन्थि हिमन्तआ बे बेले-बेजे आयदानि सायाव आजमलखौ थॉजोडै बिबुंथिजों गाग्लोबो। मन्थि शर्माया बुडोदि, आजमलनि बेबादि गुबुन हादरनि रावयारि होंखोखौ बाहायनाया आसामनि हारिमु आरो जारिफिमनखौ गोखों सांग्राथि होदों। शर्माया बुडोदि, बिसरो जॉनि जोनोम बिमाथिलि आसामआव आइन बरेखायै हावफैको नाजदों। काजिरखआव आइन बरेखायै हा दखल खालामग्राफोरनिफ्राय गासै 14,000 बिधा हाखौ आजमलनिक्राय उदां खालामनो हादों। राइज्योनि साफ्रोमबो नोगोरारिफोरखौ सांग्राथि होनानै आजमलनि थांखि लानाय हारिमुनि हेंथायै खौसेयै जुजिनांगोन होन्नानै फोसावो। मख'नो गोनॉदि, थॉनाय बावैसो साननि गेजेराव आजमलनि बाहागो लानाय मेलआव आरबी रावनि हांखोखौ बेनारआव दिन्थिफुंनायनि अजदआव दासान्दि बे आयदाखौ लानानै रजखान्थि महलआव दान्थे-बिदान्थे जानायखौ नुनो मोन्दों।□

बिटिसि बिसायख'थि 2020ः

खुंथायनि गोहोआ सोरनि आखाइयाव!

(□ *1 बिलाइनिक्राय*) कंग्रेस, एजिपि दोलोआ सरकार दाफुंनो हानायनि उनाव दासान्दि बिजेपि दोलोनि दैदेन्नाय सरकारआ सोलिबाय थानायनि समावनो माखासे बिथिडव गेनारखान्थि सोलिनाय अजद सिखारदों। बे बिथिडव राइज्योनि सरासन्धा भटार राइजो-राजाफोरा बिसायख'थिनि समाव बबे मोनसे हान्जाखौ हास्थायो बेनि सायाव सरकारनि जौगालु खामानिया बेसेबां आवगायदों आरो जाफूसारदों बेनि सायावसो सोनारगोन। थारैनो गेनाखान्थि खालामै आरो जौगाखांहोनाय दोलोखौसो राइज्योनि भटारफोर हास्थायगोन। बेबादि समाव दासान्दि राइज्योनि गुबुन गुबुन राजखान्थि दोलोफोरनि गेजेराव फैगौ बिधान सभा बिसायख'थिखौ मिरु खालामनानै फोसावदिंनाया जागायजेनो हमदों। एरह्वाय कभिड-19 नि जाहोनआव दिन्दानानै थानाय बिटिसि बिसायख'थिनि खुंगोन समखौ आसाम सरकारआ थॉनाय बावैसो साननि गेजेराव फोसावनाय लोगो लोगो दासान्दि बिटिआर ओन्सोलाव गुबुन गुबुन रजखान्थि दोलोफोरनि बिसायख'थि फोसावदिंनाय आरो मेल-मिटि खुंनायनि गेजेरजों ओन्सोलनि बारहावाआ दुंहारै सोलिगासिनो दड। जर'खायै हाग्रामा महिलारी दैदेन्नाय बिपिएफ हान्जाया ब्रैथि खेबनि थाखाय काउन्सिल खुंथायखौ दखलाव लाफिन्नो मैखोमै फोसावदिंनायखौ सोलिहोबाय थानाय नुनो मोन्दों। नाथाय फरायसा आफादनि मोनसे समाव गोखों दैदेनगिरि महरै बिबान लानानै फैनाय आरो दासान्दि इडपिपिएल दोलोनि आफादगिरि प्रमद बर'नि फोसावदिंनायाव सुबुंफोरनि आबुं हेफाजाब मोननो हानायखौ नोजोर होयोब्ला फैगौ बिटिसि बिसायख'थियाव बिपिएफ दोलोनि गेजेराव गोखों जुजिलायनाय जागोन। मोन 40 बियाब थानाय बिटिसि बिसायख'थिखौ मिरु खालामनानै गुबुन गुबुन राजखान्थि दोलोफोरनि फोसावदिंनाया सानख'नो हायैबादि जालांनायनि गेजेराव ओन्सोलनि राइजो-राजा भटारफोरा गेनाखान्थि उदां सरकार दाफुंनायखौ बांसिन हास्थायदों। नाथाय फैगौ बिसायख'थियाव राइजो-राजाफोरनि फोथायजाथाव भटआ सोर बबे दोलोनि फार्से थांगोन बेनि सायाव फैगौ समासो फोरमायगोन आरो बेनि फिथायखौ राइजो-राजाफोरानो सायख'नानै होगोन।□

गामियारिफोरनि मुलाम्फानि थाखाय गाहाय मन्थि मदिआ स्वामित्भा बिथांखिखौ बेखेवबाय

(□ *1 बिलाइनिक्राय*) नरेन्द्र मदिआ थॉनाय 24 एप्रिलावनो माहिरायारि पन्चायत सानआव फोसावदोंमोन। बे बिथांखिनि गेजेरजों हादतनॉं गामियफोराव धोन एबा सम्पतिजों लोब्बा थानाय आयदाफोरा बोस्रांजागोन। लोगोसे बे बिथांखिनि गेजेरजों इ्न सार्भं टेक्निकनि हेफाजाबजों गामि ओन्सोलनि सिमना थासारिखौ नायगिदिंगोन। बेनि अनगायैबो गामिफोराव हा-हुनि दाड-बाजि आरो सिमना जेंना आयदाफोरखौ बोस्रांनायावबो बे बिथांखिनि गेजेरजों मुलाम्फा मोननो हागोन। सोलिफु बि जे पि दैदेन्नाय मिरु सरकार पन्चायत मन्थि आफादनि आवथायाव जागायनाय बे स्वामित्भा बिथांखिया हादतनि गामियारि ओन्सोलनि थाखाय मोनसे जरखा आरो गोनांथार बिथांखि। बे बिथांखिनि थांखिया गामि ओन्सोलाव थानाय सुबुंफोरनो रेकर्ड एफ राइट्स जगायनायनि थाखाय सम्पति कार्ड होनाय। बे बिथांखिनि आवथायाव सोलिफु बोसोर 2020 निफ्राय 2024 सिमनि गेजेराव 6.62 लाख गामिफोरखौ कभार खालामनाय जागोन। बेखौ नडाल एजेंसि पन्चायत मन्थि आफादनि जोहै मावफुंनाय जागोन। राइज्योयारि थाखोयाव बे बिथांखिखौ मावफुंनो थाखाय लेण्ड रेकर्ड डिपार्टमेन्टखौनो नडेल बिफान महरै बिबान होनाय जादों। मख'जाथावदि, बे बिथांखिनि गेजेरजों इ्न सार्भं टेक्निकनि हेफाजाबजों गामि ओन्सोलनि सिमाखौ रोखा खालामनाय जागोन। लोगोसे गामियाव थानाय सुबुंफोरा गावबा-गावनि सम्पतिखौ रेकर्ड अफ राइट्स मोनो हागोन। बे रेकर्डनि गेजेरजोंनो गावबा-गावनि हा सम्पतिखौ रांखांथिथारि आरो फालांगियारि बिथिडव बाहायनो हागोन लोगोसे बेंकनिक्राय मोननो हाथाव माखासे खाबुफोरखौ मोननो हागोन। बिथांखिनि गेजेरजों 1.32 लाख सुबुंफोरा गावबा-गावनि हानि फोरमान बिलाइफोरखौ मोनसे एस एम एस लिंकनि गेजेरजों डाउनलड खालामनानै लानोबो हागोन। गिबि खोलोबआव बे बिथांखिनि मुलाम्फाखौ मोन 6 राइज्योफोरनि 763 गामिफोरा मोनग्रोनो हागोन। बेनि गेजेराव उत्तर प्रदेशनि दर 346 गामि, हारियाणानिक्राय दर 221 गामि, महाराष्ट्रनि दर 100 गामि, मध्य प्रदेशनि दर 44 गामि, उत्तराखण्डनि दर 50 गामि आरो कर्णाटकनिक्राय दरनै गामिफोरा सिगांग्रयै बे बिथांखिनि खाबुखौ लानो हागोन।□

फकिराग्राम अर खामनाय जाथायनि सायाव मेजिस्ट्रेट थाखोनि संदानो जिल्ला बेंगिरिया बिथोन होबाय

(□ *1 बिलाइनिक्राय*) जाथायनि सायाव संदानायनि गेजेरजों खहा जाजानाय गलादारफोरनो खहा सुफुंथाय होनायनि सायाव खुंथायजों सावरायनाय जागोन होन्नानै खोथा होयो। मख'नाय जायोदि, बे अर खामनाय जाथायाव गं 55 नि बांसिन गलाफोर अर खामनानै आबुडै सेवहांगार जादों लोगोसे 1 कौटिनि बांसिन धोनआ बे जाथायजों खहा जानायनि मोन्दाथि लादों। सरासन्धा संदानायनि गेजेरजों मिथिनाय बायदिब्ला बे अर खामनाय जाथायआ मोक्लिबवाय जोंखानायनिक्राय सोमजिदों। नाथाय खौरां लिरजासिमाव अर खामनाय जाथाय सोमजिनायनि गुबै जाहोनखौ मिथिनो मोन्नाय जायाखै।□

फकिराग्राम हाथायसालियाव गिखंथाव अर खामनायजों गं 55 गला आरो गं 12 गुदामफोरा सेवहांगार

(□ *1 बिलाइनिक्राय*) गिखंथाव अर खामनाय जाथाया महर मोनो। बे अर खामनाय जाथायजों हाथायसालिनि खमैबो गं 55 गलाफोरजों लोगोसे गं 12 गुदामफोरा खामनानै सेवहांगार जायो। गला बिगुमाफोरा फोरमायथिनाय बायदिब्ला बे अर खामनाय जाथायाव गासै 1 कौटि रनि बांसिन धोनफोरा खहा जादों। एरहाय, अर खोमोरग्रा बिफना बे अर खामनाय जाथायनि सायाव खौरां मोनहैनाय लोगो लोगो कक्राझारनिक्राय हरखाबै जाथायथिलियाव सफैदोंमोनब्लाबो नाथाय अर खोमोरग्रा गारि सहेनायनि सिगां गासै गलाफोरा खामनानै अबुडै खहा जाजोब्बायमोन। बे अर खामनाय जाथाय सोमजिनायखौ लानानानो दिने फकिराग्राम हाथायसालियाव दुंहाव थासारि सोमजियो। खहा जाजानाय गला बिगुमाफोरा दिने जायागायाव थामहिन्ना फकिराग्रामआवनो फायर ब्रिगेड थामहिन्ना अर खोमोरग्रा गारि थारैनि अजद होनानै हेंथा सोमावसारना फकिराग्रामआव मोनसे फायर ब्रिगेड स्टेसन फर्सनो थाखाय दाबि खालामनायजों लोगोसे बे अर खामनायजों खहा जाजानाय गासै गलादारफोरनि थाखाय खहा सुफुंथाय होनायनि रहा लानो सरकारनिसिम दाबि खालामनानै हेंथा सोमावसारो।□

मालिगावआव आसामनि गोलावसिन फ्लाइअभारनि अन्थाय खाम्फा गायसन्दों गिबि मन्थिआ

(□ *1 बिलाइनिक्राय*) जोबथाहेंगोन। राइज्यो सरकारनि 2020-21 माइथायनि अग्राधिकार पुन्जनि सिडव लक निर्मान (लामा) बिफानआ लुफुंनो लानाय बे फ्लाइअभारनि थाखाय गासै 420.75 कौटि रं बाहायगोन। खमैबो 3 कि:मि: गोलाव बे फ्लाइअभार लुफुंनाय राइज्योनि गेजेरजोनो बर्यनिखुइबो गोलावसिन फ्लाइअभार महरै मिबथिजागोन अदेबानि गिबि मन्थिआ दिने लुफुंनो थाखाय अन्थाय खाम्फा गायसन्नाय बे फ्लाइअभारखौ फैगौ 2 बोसोरनि गेजेरावनो आबुडै लुफुंनो थाखाय थि सम सिमना खानानै होनाय जादों। अन्थाय खाम्फा गायसन्नाय हाबाफारिआव बिबुंथि लाखिनानै गिबि मन्थिआ बुडोदि, गुवाहाटी नोगोरमानि गासै खोला-सान्जा एसियानि गाहाय दरख हिसाबै हाबाफारि लादों राइज्यो सरकारआ। बेयो राइज्योनि गुबुन मोनसे गोलावसिन फ्लाइअभार जानो थॉनायाव बिफाननि गासैबो बिबानगिरिफोरखौ थि समावनो खामानि मावफुंनो एबा बिबान सामलानयो बिथोन होयो। गिबि मन्थिआ बुडोदि, राइज्योखौ राजथावनि ओन्सोल खालामनाय थांखिनि सिडव राइज्यो सरकारआ बे बिथिडव दासान्दि गोनांथार बिथांखि आजावना लादों। मिरु सरकारआ हाबाफारि लानाय स्मार्ट सिटि बिथांखिनि गिबि खोलोबआवनो गुवाहाटी नोगोरमाखौ थिसन्नाय जादों। बे बाश्राया गुवाहाटीजों लोगोसे आसामखौ हादरनि जौगाखांनि गोदान इन्जिन हिसाबै लानानै थॉनायनि बिथिडव आधिखालनि मिरु सरकारनि गाहाय मन्थि नरेन्द्र मदिआ गावनि बाश्रा होनायखौ मावफुंनो थांगारिनो होन्नानै गिबि मन्थिआ बिबुंथियाव रायखाडो। गिबि मन्थि सनवालआ बुडोदि, गाहाय मन्थि मदिनि ट्रेस्पफर्मसन् थ्र' ट्रेस्पर्टसेन नित्तीनि गेजेरजों आसाम सरकारआबो राइज्योनि गामियारि ओन्सोलखौ लाफानानै ओन्सोलनि मोनफ्रोमबो लामानि फोनांजाब रहाखौ साबरिन आरो जाफूसार खालामनायनि थाखाय गुबुन गुबुन हाबाफारि लादों। सिगांनि सरकारनि समाव गुदि जौगालु खामानि-दामानिफोरखौ लोरबाडै एबा लारै जानायनि फोनांजाव आधिखालनि सरकारनि समाव प्रधान मन्थि ग्राम सडुक यजनानि सिडव 15 रोजा कि:मि:नि बांसिन गोलाव लामा लुफुंनाय जादों। मिरु आरो राइज्यो सरकारआ मोननैबो गोनांथार होनायनि थाखाय दिने आबाद, फालांगि, दारिमिन, गेलेमु, बिगियान आदोबजों दिहुन्थाय बायदि मोनफ्रोमबो बिथिडववनो राइज्यो सरकारआ जौगालुनि खामानि माववानै महर दिन्थिनो हानायाव जाफूसारदों होन्नानै बिबुंथि लाखिना बे आयदायाव बुर्लुबुथुरनि सायाव लुफुंनो लानाय गंभ्रे गोदान दालानि बाश्राखौबो गिबि मन्थिआ रायखाडो। गिबि मन्थिआ बुडोदि, सिगांनि कंग्रेस सरकारनि खुंथायाव राइज्योनि सरासन्धा सुबुंफोरा एसेल' सुविदा एबा खाबुफोरखौ मोननो हाबोदोंमोन। नाथाय आधिखालनि सरकारआ राइजो-राजाफोरनो जौगानायनि थाखाय सोमावसारनायनि गोनांथि गैयालासे गुदि जौगालु खामानि-दामानिफोरखौ जगायथाय होनो हादों। राइज्योआव सोलिबाय थानाय जौगालु बिथांखिफोरनि खामानि-दामानिफोरखौ आबुडै महर होनो आरो थि समावनो आबुं खालामनायनि सार्थआव सरासन्धा सुबुंफोरखौ गोजोन, खौसेथि आरो गोजोन थासारि लाखिनो फोसावनानै गिबि मन्थिआ बुडोदि, बेबादि खालामोब्ला आसामआ हादरनि गेजेराव 5 थि जौगासिन्नाय साबसिन राइज्यो महरै मिबथिसार जागोन। बे फ्लाइअभार लुफुंनाय खामानिआ सोलिबाय थानाय समाव मालिगाव ओन्सोलनि राइजो-राजाफोरा हान्था-मेला खालामनायनि बिथिडव माखासे जेंनाजों मोगा-मोगि जानो हागौ होन्नानै रायखाना बे बिथिडव राइजो-राजाफोखो दिदोम गोसोजों हेफाजाब होनो गिबि मन्थिआ बिबुंथिनि गेजेरजों फोसावो। हाबाफारिआव बिबुंथि लाखिनानै लक निर्मान बिफाननि मन्थि ङ हिमन्त बिश्य शर्माया बुडोदि, बे गोदान फ्लाइअभार लुफुंनायजों थारैनो मालिगाव ओन्सोलनि गारि-मथरजों सानफ्रोमबो होंगो-दोंगो जानाय जेंनाया समाधान जागोन। गनेशगुरिआव लुफुंनाय फ्लाइअभार आरो फैगौ माखासे साननि उनावनो राइजो-राजाफोरनि थाखाय बेखेवनो हनाय बादिदै दासान्दि थियारि जानायजों लोगोसे सुपार मार्केट ओन्सोलिआव लुफुंनाय खामानिआ सोलिबाय थानाय गोखैयै आवगायगासिनो होन्नानै मिबथिहोयो। नोगोरमानि गुबुन गुबुन जायगायाव गुबुन गं 9 फ्लाइअभारनि लुफुंनाय खामानिआबो सोलिबाय थानायजों लोगोसे गुवाहाटी क्लाबनिक्राय बामुनीमैदाम फोनांजावनाय गुबुन मोनसे फ्लाइअभार लुफुंनायनि थाखायजों दासान्दि जग्याखौ नायसंनाय जादों होन्नानै मिबथिहोबावो। आधिखालनि राइज्यो सरकारनि समावनो शरइपटआव बुर्लुबुथुर दैमनि सायाव गुबुन गंसेबाव दालांजों लोगोसे बगिबिल, ढलाचडिया बायदि दालांखौ बेखेवनो हानाया राइज्यो सरकारनि गुबुन मोनसे गेदेर जाफूसारनाय होन्नानै रायखाना मन्थिआ बुडोदि, गुवाहाटी नोगोरमानि गुदि जौगाखांनि थाखाय माकासे गोनां बिथांखिफोरखौबो आखाइयाव लानाय जादों होन्नानै बुडो। दिनेनि बे अन्थाय खाम्फा गायसन्नाय गोजोन हाबाफारिआव राइज्यो सभानि एमपि बिस्वजित दैमारि, लक निर्मान बिफाननि जर'खा सेक्रेटारि राजेश खेम्फ्राइजों लोगोसे गुबुन माखासे गोजू थाखोनि बिबानगिरिफोरबो बाहागो लादोंमोन।□



वार्ल्ड मेन्टेल हेल्थ डेआव कंगना रनटआ दीपिका पादुकणानि सायाव गोख्रों बाथ्रा बुंदों

गोदान दिल्ली, 11 अक्टबर: फावखुंगुर सुशान्त सिं राजपुत थैनाय केसआव जेब्ला सुप्रिम कर्ट आ नायबिजिरनायखौ सिबिआइनो गथायदोंमोन अब्लाबो कंगना रनटआ दीपिका पादुकणानि सायाव गोख्रों रव बुंदोंमोन। बियो गवनि दुइटाआव लिरदोंमोनदि, डिप्रेसन जाहोनायनि हाबाफारि मावग्राफोरखौ सरगन्ना सुबुंफोरा बिसोरनि गोहोखौ दिन्थिबाय। मख'नो गोनांदि, वार्ल्ड मेन्टेल हेल्थ डेनि खाबुआव कंगना रनटआ गवनि फेन्सफोरखौ सावथुन जजमेन्टल है क्या'खौ नायनो सुबुरुन होदों। लोगोसेनो मु'खौ थांखिया लासेनो दीपिका पादुकणानि सायाव गोख्रों बाथ्रा बुंदों। बियो गवनि दुइटाआव लिरदोंदि, जों जाय सावथुनखौ मेन्टेल हेल्थ अवेयरनेसनि थाखाय



बाहायो। दा लाइभ लाभ लाभ फाउन्डेशननि अनगयै दा इन्डियन साइकेलॉट्रिकल ससायटीनि डक्टरफोराबो सावथुननि टाइटेलनि सायाव अजद होनानै सेन्सार बर्डनि आफादगिरि प्रसून जशिनाव अजद होदोंमोन। ससाइटीआ बुंदोंमोनदि, टाइटे लआ गोसोआरि बेरामजों बुगिनाय सुबुंफोरखौ लाजिफोनाडो। जेनाखौ बांनय नुनानै सावथुननि मेकासआ टाइटे ल मेन्टेल है क्या'खौ जजमेन्टल है क्या निफ्राय रिप्लेस खालामदोंमोन। कंगना रनट आरो राजकुमार रावनि सावथुन जजमेन्टल है क्या'आ 26 जुलाई 2019 आव रिलिस जादोंमोन। प्रकास कवेलामुदीनि बिथोन होनायाव बानायनाय बे सावथुनआ बक्स अपिसआव गासै 33 कौटि रांखौ आरजिनो हादोंमोन।

बानायदोंमोन बेखौ डिप्रेसननि जाहोनायनि हाबाफारि मावग्राफोरा कर्ट आव सोंखारिदोंमोन। मिडिया बेनि उनाव मार्केटि कमप्लिकेशन्सनि जाहोनाव रिलिसनि सिगां

सावथुननि मुंखौ सोलायदोंमोन। नाथाय बेयो मोजां सावथुन दीपिका पादुकणानि एनजीओ'दा लाइभ लाभ लाफ फाउन्डेशन'आ जर'खा महैरें कंगनानि सावथुननि टाइटे ल (

बिबेक अबरयनि सावथुन 'पि एम नरेन्द्र मदी'आ रिलिस जाफिनसिगोन

मुम्बाइ, 11 अक्टबर: गहाय मन्थि नरेन्द्र मदिनि सायाव बिथा खालामनाय सावथुन पि एम नरेन्द्र मदिआ गोदानै रिलिस जाफिनसिगोन। मख'नो गोनांदि, लकडाउननि उनाव 15 अक्टबरनिफ्राय खुलिनो गोनां सिनेमाहलफोराव बे सावथुनआ गिबिसिनि रिलिस जासिगोन। बे सावथुनआ थांनय बोसोरनि मे दानआव रिलिस जाखंबाय। बेवहाय बिबेक अबरयआ गहाय फाव खालामदों। सावथुनखौ

नायबिजिरा एवा सावथुननि फालांगिखौ बिजिरा तरण आदर्शआ शनिबारआव शसेल मिडियाआव सावथुनखौ सिनेमाहलफोराव गोदानै रिलिस खालामफिनगोननि खौरांखौ सोराडाव लाबोदों। बियो दुइटाआव लिरदोंदि, सावथुन पि एम नरेन्द्र मदि'आ फेगोन सप्ताहयाव सिनेमा हलफोराव गोदानै रिलिस जाफिनसिगोन। सावथुननि मावख'आरि पस्टारआव सिनेमाहलफोराव रिलिस खालामफिनगोनखौ फोसावदों। बियो सावथुननि

पस्टारआवबो शेयार खालामदों, जेराव बिबेक अबरयखौ मोजाडै गहाय मन्थि नरेन्द्र मदिनि आखुथाइआव नुनो मोन्दों। मख'नो गोनांदि, बे सावथुनआ थांनय बोसोरनि 24 मेआव रिलिस जादोंमोन। सावथुनआव बमन इरानी, मनज जशी, बरखा बिष्ट, प्रशान्त नारायण आरो जरीना वहाबखौ नुनो मोन्दों। सन्दीप सिं, सुरेश अबरय आरो आनान्द पन्डितनि गेजेरजों बानायनाय बे सावथुनआव गहाय मन्थि मदिनि राजखान्थि दावबायनायखौ दिन्थिनाय



जादों। बे बायपिकखौ अमना कु मार आ बिथोन होदों। मख'जाथावदि, थांनय बोसोराव सावथुनआ लकसभानि बिसायख'थिनि सिगां रिलिस जानो गोनांमोन, नाथाय कड अप कन्डाक्टनि जाहोनाव सावथुनखौ

दोन्थनो गोनां जादोंमोन। बेनि उनाव सावथुनआ बिसायख'थिनि उनाव 24 मार्चआव रिलिस खालामदों आरो सावथुनआ बक्स अफिसआव माखासे जर'खा रां आरजिनो हायाखेंमोन।


आरती रघुनाथआ 520 अनलाइन कर्स खालामनानै वार्ल्ड रेकर्ड बानायदों

गोदान दिल्ली 11 अक्ट'बर: मुलुगआव जाय हिन्जावसाफोरा सोलोंथाय लानानै गवनि हादत आरो बिमा-बिफानि मुंखौ मुंदांखा खालामगासिनो। बिसोरनि फारिलाइयाव केरेलानि आरती रघुनाथआबो दंफायो। बिमा-बिफानि सासेल' फिसा आरतीआ इनफेक्सननि समाव न'आव थानानै फरायनायजों गवनि समखौ थांगर होदों। आरतीआ कम्पिउटर, बायलजीनिफ्राय लानानै इकन'मिक्स एवा रोंखांथिनि सायाव बिथा गोनां आलादा आलादा कर्स खालामदों। बियो जन हकिन्स इडनिभासिंदि, इडनिभासिंदि अफ बर्जीनिया, इडनिभासिंदि अफ कलराड बल्डर, इडनिभासिंदि अफ कपेनहेगन, इडनिभासिंदि अफ रचेस्टर, एमरी इडनिभासिंदि, करसेरा प्रजेक्ट नेटवार्क आरो टेक्नीकेल इडनिभासिंदि अफ डेनमार्कनिफ्राय कर्स खालामदों। आरतीआ करिचनि एलमकारानि थागिबि। बियो एमइएस कलेजआव एमएससि बायकेमेस्ट्रीनि सेकेन्ड



इयारनि फरायसा। बियो 88 सानआव 520 अनलाइन कर्स खालामनानै वार्ल्ड रेकर्ड खालामदों। आरतीआ माबादिये सोलोंथाय लादों आरो बनि इयुनि थांखिफोरा मा बेनि सोमोन्दै बियो बुंदोंदि, आं लकडाउन जाजेन्नायाव जुन दाननि जोबथा सप्ताहयावनो अनलाइन कर्सखौ जागयदों। बे समाव लकडाउननि माखासे सान बारगलांबायमोन। जाय समआ बारगलांबाय बेखौ मोनफिना। नाथाय फेनो गोनां समखौ थिये बाहायनानै अनलाइन खालामनो सानांखानै कर्सखौ खालामदों। आं बेफोर कर्सखौ खालामनायाव गोबां नाजादों। अदेबानि एसेबां गोबां कर्स खालामनो हागोनखौ सानाखेंमोन। नाथाय आंनि नाजानाया जाफुंसारदों। अनलाइन कर्सनि बयनिखुइबो मख'जाथाव बाथ्राया जादोंदि, बेनि थाखाय बाइजोआव थांनो गोनांथि गैया। आं 520 अनलाइन कर्स खालामनो हाना वार्ल्ड रेकर्ड खालामनो हादों।

गोदान दिल्ली, 11 अक्ट'बर: बलिउडनि सावथुन मेकार राकेश रशननि सायाव 2000 आव हामला खालामनाय दायनिगिरिखौ ठाणे पुलिसआ ग्रेप्टार खालामबाय। मख'नो गोनांदि, राके शनि सायाव हामला खालामनाय दायनिगिरिया 3 दान सिगां पेरलनिफ्राय खारखोमादोंमोन। जायखौ गोदानै पुलिसआ ग्रेप्टार खालामदों। पुलिसआ खौरां होनाय बायदिब्ला दायनिगिरि आरो सार्पसुटार सुनिल विश्वनाथ गायकवाइखौ ग्रेप्टार खालामदों। सुनिलआ सासे गिखुंथाव दायनिगिरि आरो सार्पसुटार। पुलिसआ फोरमायदोंदि, गायकवाइखौ शुक्रबारनि हराव कलबायाव पारसिक सार्कल ओन्सोलनिफ्राय ग्रेप्टार खालामदों। मख'नो गोनांदि, जानुवारी 2000 आव मुम्बाइनि सान्ताक्रुजआव थांनय राकेश रशननि अफिसनि बायजोआव बनि सायाव 6 खेब बार गुलि गावदोंमोन, जेराव गरनै गुलिआ बनिआव नांदोंमोनबो। बेनि उनाव पुलिसआ बे केसआव सुनिल गायकवाइखौ ग्रेप्टार खालामदोंमोन। रिपटनि बायदिब्ला, सुनिलनि सायाव 11 मार्टि आरो 7 एटेन्ट टु मार्टिनि केस थिसन्दों। दायनिगिरिया गोबां केसफोराव साजाखौ बुगिखांबाय आरो राकेश रशननि सायाव जानाय हामलायाव सुनिलनिनो मुडा सोराडाव फेदोंमोन। फोरमायनाय बायदिब्ला बियो थैजासिमनि साजा मोनायनि



उनाव जेलआव दडमोन, नाथाय 26 जुनआव बियो पेरलआव बायजोआव थांदोंमोन। पेरल जोबनयनि उनावबो बियो जेलआव फेफिनाखें आरो बेनिफ्रायनो खारखोमादों। बेनि उनाव आथिखालआव पुलिसआ सुनिलखौ ग्रेप्टार खालामफिनबाय। मख'नो गोनांदि, 2000 आव राकेश रशनआ गवनि फिसाप्ला रितिकखौ सावथुन कहना प्यार है जों लन्व खालामदोंमोन आरो बियो गोबां हितबो जादोंमोन। बेनि उनाव बियो सावथुननि शेयारखौ लानानै हुमखि मोन्दोंमोन। बेनि उनाव 21 जानुवारीआव बनि सायाव हामला जादों आरो बिनाव गरनै गुलिबो नांदोंमोन। गरसे गुलिआ बनि फाफिलआव नांदों आरो गुबुन गरसे गुलिआ बनि बिखायाव नांदोंमोन। बै समाव बनि ड्राइवरनि मोजां सानाय हनाय आरो सांग्रांथिनि जाहोनाव बनि जिउआ रैखा मोन्दोंमोन।

सिबिएसइआ 70 जौखोन्दो सिलेबासजों बर्डनि आन्जादफोरनि सोंथिलाइनि सेम्पल फोसावदों

गोदान दिल्ली, 11 अक्ट'बर: करनानिफ्राय रै खाथिये थांनयनि जाहोनआव फरायसालिफोरा आथिखालाव बन्द्ये दं। अदेबानि अनलाइननि गेजेरजों उन्दै गथ'फोरखौ सोलोंथाय होनाय

जागासिनो। फरायसाफोरनि सोलोंथाय लानो मोनैखौ नोजोर होनानै जुलाइयाव सिबिएसइआ सिलेबासआव 30 जौखोन्दो खमायना होनो फोसावदोंमोन। बेनि गेजेरजों सिबिएसइआ जिथि आरो जिनैथि थाखोनि आन्जादनि

थाखाय 70 जौखोन्दो सेलेबासनि सोंथिलाइनि सेम्पल फोसावदों। फरायसाफोरा सिबिएसइआ मावख'आरि वेबसाइट cbacademy.nic.in आव जिथि आरो जिनैथि थाखोनि गासैबो आइदानि



सोंथिलाइनि सेम्पलखौ डाउनलड खालामनो हासिगोन। सिबिएसइआ बर्ड आन्जादनि फोसावनाय सोंथिलाइनि सेम्पलआव जर'खा सोलायदों। जायनि गेजेरजों 12 थि बर्ड आन्जादआव गिबिये

फरायसाफोरनाव कम्पिटेंसि बेस्ट सोंथि सोंनाय जागोन। बे सोंथिफोरा गासै सोंथि 10 जौखोन्दो जागोन। फासैथि 10 थि थाखोनि बर्ड आन्जादआव बे खेबआव कम्पिटेंसि बेस्ट सोंथिफोरखौ बांसिन खालामनाय जादों। बे

सोंथिया 20 जौखोन्दो थागोन। बर्ड आन्जादआव बाहागो लानो गोनां फरायसाफोरा। बे सोंथिलाइनि सेम्पलखौ नायनानै आन्जादनि थाखाय थियारि जानायाव मदत मोनगोन।

आमेरिकानि बिसायख 'थिनि सिगां सा करियाआ गावसोरनि आखु दिन्थिनायखौ सोलायदों

2050 सिमाव भारतआ थामथि देरसिन रांखाथि गोनां हादत जागोन

शियल, 11 अक्ट'बर: सा करियाआ आमेरिकानि बिसायख 'थिनि सिगां गावसोरनि आखु दिन्थिनायखौ सोलायदों। बियो नै बोसोरनि उनाव इन्फेक्सनटेल बेलोस्टिक गुन्दासा (आइसिबिएम) नि गोदान हाबाफोरिखौ मुलुगनि सिगाखव दिन्थिदों। फेडयाव 11 एक्सल गोनां गारियाव लाबोनाय आइसिबिएमआ मुलुगनि बयनिखुइबो देरसिन बेलोस्टिक गुन्दासा नि गेजेराव मोनसे। आधिखालाव बेखौ सांथियाव लाफादेरनाय जायाखे। सांथि परेडयाव हासन्ग-15 आइसिबिएमबो दिन्थिफुनाय जादों, जायखौ सा करियानि



सांथियाव थिसन फानाय जाबाय। बेखौ पान्डुबिजों गार्लोबनायावबो बाहायनो हागोन। सा करियानि गोजौ थाखौनि दैदेनगिरि किम जंन

हामलायथि बावहरदों। सा करिया सरकारआ दाबि दैखंदोंदि, गावनि हादतयाव करना भाइरास इन्फेक्सननि मोनसेबो केसखौ मोनाय जायाखे। किमआ आसा खालामदोंदि, करना भाइरासया जोबखानायनि उनाव सा करिया आरो खोला करियाआ फिन आखाय हमलायगोन आरो सोमोन्दोखौ लाखिलांगोन। माखासे दान सिगां सा करियाआ गावनि फार्सेंथिजायल' थांखि लानानै खोला करियाजों गावनि सोमोन्दोखौ सिफादोंमोन। बेहाबाफोरियाव बाहागो लानाय सासेबो सुबुड फेस मास्क गानाखेमोन।

उनया सरासन्हा जौसाडाव नुजाफेदों आरो करना भाइरास, मिथिगायारि खैफोदिनफ्राय हादतखौ रैखाथि होनायनि थाखाय सांथिनो गाहाम

गोदान दिल्ली, 11 अक्ट'बर: भारतनि रांखाथि बेबस्थाया 2050 सिमाव चीन आरो आमेरिकानि उनाव मुलुगनि थामथि देरसिन रांखाथि गोनां हादत जागोन। मेडिकेल जार्नेल लेन्सेटआव सेबखानाय मोनसे संदानायनि बादिब्ला भारतनि रांखाथि बेबस्थानि बोसोरआ 2100 सिमाव बे थाखोआवनो थाबाय थगोन। 2017 आव भारतआ 7 थि देरसिन रांखाथि गोनां हादतमोन। लेन्सेटआ 2017 खौ बिथा खालामानां भारतआ 2030 सिमाव आमेरिका, चीन जापाननि उनाव ब्रैथि रांखाथि बेबस्था गोनां हादत जागोन आरो 2050 आव जापानखौ गाहायव



दोना भारतआ सिगांलांगोन होना बुंदों। बे फारिलाइयाव आधिखालाव भारतआ बाथियाव दं। भारतनि उनाव फ्रान्स आरो ब्रिटेन दं। मदि सरकारनि आसा खालामनायफोराबो बेबायदिनो। थंनय मेदानआव नीति आयगनि भाइस सेयारमेन राजिब कुमारआ बुंदोंमोनदि, 2047 सिमाव भारतखौ थामथि देरसिन

भारतआ 2029 सिमाव जापानखौ गाहायाव दोना थामथि देरसिन रांखाथि बेबस्था गोनां हादत जागोन। 2025 सिमाव 5 ट्रिलियन डलार रांखाथि बेबस्था गोनां हादत जानो भारत सरकारा थांखिबो लादों। लेन्सेट पेपारआ सांग्राथि होदोंदि, नाइजरियाआव दिदोमै जौगाखानायजों लोगोसे चीन आरो भारतआव हाबाफोरि मावग्रा बेसोनिसु बुं अन्जमाया गोबां दावखलायगोन, अदेबानि भारतआ गोजौ थाखोआवनो थाबाय थगोन।

करना जेंनानि गेजेरावनो कौशल बिकास 3.0 खौ लन्स खालामनो थियारि खालामदों

गोदान दिल्ली, 11 अक्ट'बर: करना जेंनानि समाव सरकारआ कौशल बिकास हाबाफोरिनि थामथि खोलोबखौ गनायथि होनो थियारि खालामबाय। बे दाननि जोबथासिमाव एबा नभेम्बर दानयाव कौशल



बिकास 3.0 खौ गनायथि होनाय जागोन। सरकारनि थांखिया रांखाथि बोसोरनि जोबथासिम एबा फेनो गोनां 5 दानयाव 8 लाख लाइमोनफोरनो कौशल बिकासनि ट्रेनि होनां बिसेरनो खामानिखौ होनाय जागोन। गाहाय मन्थि मावख'आ कौशल बिकास मावख'खौ बेनि थाखाय फुरायै थियारि खालामनो बिथोन होदों। बेजों लोगोसेनो यजनाखौ गनायथि होनायाव खम जानायखौ नोजोर होनां जिल्ला कौशल परिषदखौ गिबियावनो सांग्रां जानां थानो बाथा बुंनय जादों। बेखौ लन्स खालामब्ला बेनि हाबाफोरिखौ गोखोडे' मावनाय जागोन। सुलुनि बादिब्ला कौशल बिकास 3.0 नि गेजेरजों लाइमोनफोरखौ ट्रेनि होनाय आरो खामानिखौ जगायना होनाया गोखे जागोन। जिल्ला कौशल परिषदखौ जायगानि थाखोयाव थानाय उद्यग आरो खामानिखौ जगायना होनाय महरे ट्रेनि होनायनि हाबाफोरिखौ थियारि खालामनो बाथा बुंदों। जाहाथे ट्रेनि मोन्नाय लाइमोनफोरा न'याव थांब्लाबो खामानिखौ मोन्नो हायो।

सरकारआ गुबुन हादतआव सामब्राम दैथायहरनो गनायथि होबाय

गोदान दिल्ली, 11 अक्ट'बर: सरकारआ सामब्राम दैथायहरनायखौ थानाय दाननि होबथानाय रेहाय होनां बंगलर रज आरो कृष्णापुरम रोखोमनि सामब्रामखौ गुबुन हादतआव दैथायहरनो गनायथि होबाय। अदेबानि रे हेहाय होनायजों लोगोसे गुबुन हादतआव दैथायहरनायनि थाखाय माखासे सर्तबो



सरजाबफाना होदों। डिजिएफटिआ शुकुबारआव फोसावनाय बिथोनमायाव बुंदोंदि, बंगलर रज आरो कृष्णापुरम सामब्रामनि 10,000 टन गुबुन हादतआव दैथायहरनायखौ गनायथि होनाय जाबाय। बे गनायथिया फेगौ बोसोरनि 31 मार्सिम आयेनारि महरे थगोन। बेनि मोनसे सर्तया जादों बेखौ खालि चेन्नाइ गाथोननिफ्रायल' दैथायहरगोन। मख'जाथावदि, थानाय 14 सेप्टेम्बरआव सामब्रामनि गुबुन हादतआव दैथायहरनायखौ होबथानाय जादोंमोन, जाहाथे हादतनि बाजारआव बेनि जगायनायखौ बांहोनो हायो आरो बेसेन बांनयाखौ होबथानो हायो। कर्नाटकनि आबादरिफोरा सरकारनियव 10,000 टन बंगलर रज सामब्राम गोजा दैथायहरनो थाखाय रेहाय होनो आर'ज गाबदोंमोन, मानोना हादतनि बाजारआव बेखौ दाबि देखानाया जोबोद खम। बेखौ मालेसिया, सिंगापुर, ताइवान, आरो थाइलेन्ड बायदि एसियानि हादतफोरा बांसिनै बिहरदों। बंगलर रज सामब्रामनि दैथायहरखाफोरा कर्नाटक सरकारनि हरटिकालचार कमिसनारनिफ्राय मुवा आरो बेनि बिबानि फोरमानलाइ लानांगोन। बे फोरमानलाइखौ अन्ध प्रदेशनि सरकारआ होगोन।

फाहामसालिनिफ्राय छुट्टी मोन्नायनि उनाव ट्राम्पखौ गिबियै नोगोरारिफोरनि गेजेरआव नुदों

गोदान दिल्ली, 11 अक्ट'बर: करना भाइरास फाहामथायनि थाखाय सान 3 देहा फाहामसालियाव थानायनि उनाव ट्राम्पआ गिबियै शनिबारखालि सुबुंफोरनि गेजेरव नुजाथिहैदों। आमेरिकानि हादतगिरि डनाल्ड ट्राम्पआ हवाइट हाउसनि साउत लनआव गसंनानै गावनि अनसायगिरिफोरनो साबायखर बावदों। बेयाव ट्राम्पआ बुंदोंदि, आमेरिका साइन्स आरो फाहामथायनि गेजेरजों जों चीननि भाइरासखौ फोजेबसांगोन। आमेरिकानि हादतगिरिया बे हाबाफोरिआव



गावनि करना भाइरासनिफ्राय फुरायै मोजां जानायखौ दिन्थिनो आरो बिसायख 'थिआव डेमक्रेटनि बिजाथि जइ बिडेनि

हंथायै फोसावदिं खालामनो थाखाय थियारिखौ दिन्थिदों। हवाइट हाउसनि बेलकनीयाव गसंनानै हादतगिरि ट्राम्पआ बुंदों

आं बयनोबो आंनि गाहाम देहानि थाखाय आर'ज गाबनायनि थाखाय साबायखर बाउनो सानो।

चीनआ भारत सिमायाव सा 60,000 सांथि थिसन्दों

गोदान दिल्ली, 11 अक्ट'बर: लादाखआव एलएसिआव भारत आरो चीननि जेंनाखौ सुसंनो थाखाय कामान्दार थाखोनि सावरायमेले जाखांबाय। लोगोसे दरनै होहादतनि गुबुन हादतआरि मन्थिआबो बेनि सायाव गोबां सावरायखांबाय। नाथाय जेंनाया सुसाडलाबानो जेंना गोनांसिनसो जानो हमदों। चीनआ फिन खेबसेबाव गोबां अन्जमानि

सांथि हान्जाखौ एलएसियाव दैथायहरदों। बे खौरांखौ आमेरिकानि गुबुन हादतआरि मन्थि माइक पम्पिया मिबथि होदों। माइक पम्पिया बेइजिनि गाञ्जि आखु दिन्थिनाय आरो क्वाड हान्जानि हादतफोरनि सिगां आव जेंनाखौ सोमजिहोनायनि थाखाय चीनखौ थानानै बुंदोंदि, बेयो भारत आरो सा सिमानयाव सा 60,000 सांथि फोरखौ

थिसन्दों। मख'जाथावदि, क्वाड हान्जानि हादतफोरआव आमेरिका, जापान भारत आरो अस्ट्रेलियाआबो दं। क्वाड हादतफोरनि गुबुन हादतआरि मन्थिफोरा थांनय मंगलबारआव टकिय'आव लोगो ह मचलायदोंमोन। कभिड-19 जानायनिफ्राय बेनो गिबि मोगा-मोगि सावरायनाय बेयाव बाहागो लानायनि उनाव आमेरिकानि गुबुन हादतआरि मन्थि माइक पम्पिया बुंदोंदि, भारतआ गावनि सान्जा सिमायाव 60,000 चीननि सांथिफोर थानायखौ नुदों।

दिल्लीयाव आबहावाया गुबुंले जाफिनो हमबाय: संदानाय

गोदान दिल्ली, 11 अक्ट'बर: दिल्लीआव आबहावाया गुबुंले जाफिनो हमदों। अक्ट'बर- नभेम्बर दान सफेयोब्ला दिल्लीनि आबहावाया सामलाग्रा समिति (डिपिटिसिस) आरो आइआइटीएमनि बिगियानगिरिफोरा बारहावनि गुननि थाखोखौ संदानायनि उनाव 34 जायगाफोराव बारहावनि गुननि थाखोखौ स्टडि खालामनायनि उनाव दिल्लीनि मोन 6 गुबुन गुबुन गुबुंले जाहोनायनि थाखाय बिथा गोनां स्टडियाव मिबथिनो मोन्दोंदि, दिल्लीयाव गुबुंले जानायनि बिबांआ जेब्लासिम गुबुंले जाहोग्रा फुंखाफोरखौ बन्द खालामा अब्लासिम गुबुंले जानायनि बिबांआ बेनि आबहावा गुबुंले जानायनि बिबांआ जेजि बाहागो जायो। बेबेबा

जायगानि आबहावनि गुनआ उद्यगफोर आरो गारि मटरफोर बायदि फुंखाफोर आरो जायगानि बोथोरनि थासारिजों सोनारो। दिल्ली आबहावा गुबुंलेखौ सामलाग्रा समिति (डिपिटिसिस) आरो आइआइटीएमनि बिगियानगिरिफोरा बारहावनि गुननि थाखोखौ संदानायनि उनाव 34 जायगाफोराव बारहावनि गुननि थाखोखौ स्टडि खालामनायनि उनाव दिल्लीनि मोन 6 गुबुन गुबुन गुबुंले जाहोनायनि थाखाय बिथा गोनां स्टडियाव मिबथिनो मोन्दोंदि, दिल्लीयाव गुबुंले जानायनि बिबांआ जेब्लासिम गुबुंले जाहोग्रा फुंखाफोरखौ बन्द खालामा अब्लासिम गुबुंले जानायनि बिबांआ बेनि आबहावा गुबुंले जानायनि बिबांआ जेजि बाहागो जायो। बेबेबा

लेबानननि सासे आयजोआ सशेल डिस्टेन्सनि गेजेरजों बयनिखुइबो बेसेन गोसासिन जोनोम सान फालिदों

एजेन्सिया, मेडिडू, 11 अक्ट'बर: करना जेंनानि गेजेरव स्पेनआव थाहेनाय सासे लेबाननि आयजोआ गावनि 40 थि जोनोम सानखौ गोबां गाजा-गोमजायै फालिदों। बियो खाथिनि सोमोन्दो थानाय लोगोफोरखौ लेंहरदों आरो 20 सहरफोराव 'भिडिअ' कनफ्रेन्सनि गेजेरजों मिनो पार्टिखौ खुंदों, जेराव 150 निफ्रायबो बांसिन आलासिफोरा बाहागो लादों। फुरा रंजा-बाजा फालिनायाव गासै 2.15 कौटि पाउन्ड(गासै 215 कौटि रं) खरसा जानायखौ हमदोंनो हादों। मिजासनि गंसे बिल्डिआव फालिनाय रंजा बाजायाव आयजोआ हीरा - मती जडानि जर'खा गाउन नान्दोंमोन, जाहाथे साफ्रोमबोनि नोजोराव गावनावनो थांबाय



थायो। गोसोम गाबनि बे गाउनखौ थियारि खालामनायनि जिम्माखौ ब्रिटनि मुंदांखा फेशन डिजाइनार डेबि विन्चम आरो डिजिटेल आर्टिस्ट गैरी मेकक्वीननो गथायदोंमोन। सानैबो गाउनआव 15 आगोमा गोजा गाबनि हीरा लागायदोंमोन, जायनि गासै बेसेना 1.83 कौटि पाउन्ड(गासै 183 कौटि रं)मोन। गाउनआव 20 था गोसोम, 10 था गुफुर, 6 था गोमो, 2 था निला आरो

4 रोजा गुबुन गुबुन गाबफोरनि हीराबो लागायनाय जादोंमोन। बेनि बेसेना गासै 1.5 लाख पाउन्ड(गासै 1.50 कौटि रं), 6 लाख पाउन्ड(गासै 4.2 कौटि रं) आरो 1-1 लाख पाउन्ड(गासै 1-1 कौटि रं) मोन। झीलआव 80 लाख रंनि 1 रोजा मतीआबो गाउननि समायनाया बेखो समायनासिन मोनहोदोंमोन। करना इन्फेक्सननिफ्राय रैखाथि मोन्नो थाखाय आयजोआ 2.5

लाख(गासै 2.5 कौटि रं) नि फेसशील्डखौ गानदोंमोन जाय नीला, गोथां आरो गुफुर गाबनि हिराजों थियारि खालामनाय मख'जाथाव नेक लेस जराखौ गानदोंमोन। आयजोआ न'आव खुनाय पार्टिआव बाहागो लानाय साफ्रोमबो आलासिफोरनो मोनसे जर'खा मास्कखौ जगायना होदों, जेराव हीराजों बानायनाय ब्रे सलेटखौ गानदोंमोन। ब्रेसलेटनि बेसेना 65 रोजा पाउन्ड(65 लाख)रंमोन। बारुएल पार्टिआव बाथडे गर्लआ जानाय लौनयनिफ्राय लानानै सिखोने-साखोनिस्मिनि थांखिखौ लादों। आलासिफोरनि रैखाथिनि थाखाय पार्टिआ जागायनायनि सिगां आरो जोबनायनि उनाव मोनफ्रोमबो हाबाफोरि खुनाय जायगाफोरखौ सेनेटाइज खालामदों।

आफगान गोजोन सावरायनायनि गेजेरआव पाकिस्तानआ उतखारिनि गोदान खैसार जादों

आफगानिस्ताननि, 11 अक्ट'बर: आफगानिस्ताननि गोजोन सावरायनायनि गेजेरआव पाकिस्ताननि आइएसआइया बैयाव उतखारिफोरखौ थियारि खालामनो नंथाबदों। आफगान गोजोन सावरायनायनायाव भारतआ उतखारिखौ लानानै पाकिस्ताननि बिफावनि



सायाव गावनि जिंगा सिनायखौ रोखायै फोरमायदों। भारतनि बादिब्ला सावरायनायनायाव बेफोर जेंनाफोरआ सुप्रानाय जानांगौ, जायजों पाकिस्तानआ गावनि भुमखौरांआरि थासारि आरो तालिबाननि सायाव गाञ्जि गोहोम खोरखौ हाया। सुलुनि बादिब्ला पाकआ आफगाननि सुबुंफोरखौ जिहादआव बाहागो लाहोनो थाखाय थुलुंगाखां होनाय थांखियै आइएसआइनि गेजेरजों आफगानिस्तानआव रोजा रोजा बिजाबफोरखौ रननाय जादों। आफगानिस्ताननि लगर, गजनी, नंगरहार रज्ज्यफोरआव जिहादजों लोब्बा गोनां बिजाबफोरखौ रना होदों। बे बिजाबखौ आफगानिस्तान-पाकिस्तान सिमानि गेजेरजों दैथायहरनाय जादों। एजेन्सिफोरनि बुंनय बादिब्ला बे बिजाबखौ पाकनि आइएसआइया सेबखंदों। सुलुनि बादिब्ला पाकिस्तानआ गोजोन

सावरायनाय आरो आफगानिस्तानआव खुंथाय सोलायगोनखौ आसा खालामना गावनि गोहोखौ लाखिलांनो गोसो जादों। बेनि थाखाय बेयो गावनि उतखारि नेमखाथिखौ गाहाय हाथियार बानायदों। अदेबानि आमेरिकजों लोगोसे सावरायनायाबो सोमोन्दो गोनां हान्जाफोरा पाकिस्ताननिफ्राय

उतखारिखौ हंथा होनायनि रोखा फोथायनायखौ मोन्नो लुबैयो। इउएनि रैखाथि परिषदनि मोनसे रिपटआव दाबि खालामदोंमोनदि, सा 6,500 पाकिस्ताननि उतखारिफोरा न'सुंसे हादतखौ गोसारहोगासिनो। पाकिस्ताननि उतखारिनि सांग्राडे' थानायखौ दावहाजों भुगिनांनय आफगानिस्तान आरो खोला एशियानि ओन्सोलआव गोजोन, दिदोमथि आरो रैखाथिनि थाखाय जेंना गोनां होना बुंनय जादोंमोन। तहरीक-ए-तालिबान पाकिस्तान, लश्कर-ए-तेयबा आरो जैश-ए-महम्मद बायदि फसंथानफोरा आफगानिस्ताननि सायखनाय सरकार आरो गुबुन हादतआरि सांथिफोरजों दावहा नांनय बै उतखारिफोखौ ट्रेनि होयो। बेफोर फसंथानआ उतखारिफोरनि थाखाय बोसोनगिरि महरे हाबा मावो।

पलेन्डनि इगा स्वितेकआ आइजो सिंगेल्स फ्रेन्स अपेननि फाइनालखौ देरहाबाय

पेरिस, 11 अक्ट'बर: कभिड-19 नि गेजेरावबो गोखौं रहानि गेजेरजौं थांनय माखासे साननिफ्रायनो सोलिबोनाय बे बोसोरनि फ्रेन्स अपेनखौं गाहामै खुंफु'नो हानायनि लामायाव फैबाय। मैया फ्रेन्स अपेननि आइजो सिंगेल्स फाइनाल मेचखौं पलेन्डनि लाइमोन आइजो गेलेगिरि इगा स्वितेक आरो आमेरिकानि गेलेगिरि सफिया केनिननि गेजेराव गेलेयो। बे गेलेनाय गोनां राउन्डनि जोबथा मेच एवा फाइनाल मेचखौं पलेन्डनि लाइमोन गेलेगिरि स्वितेकआ देरहानो हाबाय। फ्रेन्स अपेननि फाइनाल मेचआव पलेन्डनि गेलेगिरिया गासै 6-4, 6-1 सेट पइन्टआव गेलेगिरि सफिया केनिनखौं गोलेरैयो। फेजेन्सो हायो आरो गावनि गेलेनाय केरियारआव स्वितेकआ



गिबि खेब ग्रेन्ड-स्लेम फाइनालखौं देरहानो हायो। मख'नो गोनांदि, 19 बोसोर बैसोनि पलेन्डनि गेलेगिरि इगा स्वितेकआ थांनय 2005 गेलेनाय केरियारआव स्वितेकआ

देरहानो हानाय गिबि लाइमोन गेलेगिरि जादों। बेनि सिगां स्पेइनि रफेल नाडालआ 19 बोसोर बैसोयावनो फ्रेन्स अपेननि फाइनालखौं देरहानो

हादोंमोन। गुबुन फारसेथि मैया गेलेनाय आइजो सिंगेल्स फाइनाल राउन्डनि मेचखौं आमेरिकानि गेलेगिरि सफिया केनिनआ गावनि गेलेनाय

केरियारआव नैथि खेब ग्रेन्ड-स्लेमखौं देरहानो थांखि लादोंब्लाबो नाथाय बे थांखिया फेलें जायो। मेचखौं देरहानायनि उनाव इगा स्वितेकआ बुडोदि, लाखिदों।

आं गावखौंनो जोबोद गोजोन्नाय मोन्दोंदि, आनि गेलेनाय केरियारआव गिबि खेब नांथाय नाजानि गेजेरजौं ग्रेन्ड-स्लेम देरहानो हादों। गेलेगिरिया बुंबावोदि, आं आनि जोबथा दुर्नामेन्टआव देरहानायखौं थांनय 2 बोसोरनि सिगां मोनसे ट्रिपिखौं देरहानो हादोंमोन। गेलेगिरिया गावनि देरहानायनि गोजोन्नायखौं लानानै साफ्रोमबो अन्सायारि आरो गेलेगिरिफोरनिमिम साबायखर जासिहरो। फेगौ समाव गावनि गेलेनायखौं आरोबाव गोखौंसिन खालामनो नाजालांगोन होन्नानैबो मिथिहोयो। बे फ्रेन्स अपेननि फाइनाल मेचखौं देरहानो हानायजौं पलेन्डनि गेलेगिरिया आइजो रेंकिआव आवगायनो हागोनखौं मिजिंथि लाखिदों।

मेलेमआरि जेनाखौं बोसोनां हानाया भारतनि फुटबलनि थाखाय गेदेर बाश्रा: गौरमांगि

गोदान दिल्ली, 11 अक्ट'बर: भारतनि फुटबल हान्जानि बारग' केप्टेन गौरमांगि सिंआ बुडोदि, थांनय माखासे बोसोरनिफ्रायनो भारतनि फुटबल हान्जानि गेलेनाया आवगायगासिनो दं। बे आवगायनायाव गेलेगिरिफोरनि मेलेमआरि गोसोआरि आरो देहायारि गोखौं लाखिनाया जोबोद गोनांथार जादों। 34 बोसोर बैसोनि गौरमांगिआ हादतनि फुटबल गेलेनायनिफ्राय आजिरा



भिरात कहलिया बेंगालुरुनि जानानै गेलेनायाव 6 रोजा रानखौं आबुं खालामदों

डुबाइ, 11 अक्ट'बर: क्रिकेट गेलेमुखौं लानानै थांनय माखासे बोसोरनिफ्रायनो फारिये खुंजाबोनाय भारतनि इन्डियान प्रिमियार लीग सुंदर्ये आइपिएलनि गेलेनाय जासिहरो आथिखालनि भारतनि क्रिकेट हान्जानि केप्टेन भिरात कहलिया गावनि गोखौं गेलेनायजौं गासै 6 रोजा रानखौं आबुं खालामनो हाबाय। शनिबारखालि 13 थि सिजन आइपिएलनि गेलेनाय मोनसे मेचआव चेन्नाइ सुपार किंग्सनि हेंथायै गेलेनाय समाव गासै 90 रान खालामनो हानायजौं आइपिएलआव गासै 6 रोजा रानखौं आबुं खालामनो हायो। भिरात कहलिनि गोखौं गेलेनायनि हेफाजाबाव रयेल सेलेन्जार्स बेंगालर हान्जाया देरहानो हादोंमोन। भिरात कहलिया मैया गेलेनाय आइपिएलनि मेचआव हान्जानि जानानै गेलेनायनि 14 अभावर बलार रविन्द्र जादेजानि खुबेनाय बलखौं 1 रान खालामनो हानाय लोगो-लोगो गुबुन मोनसे रेकर्डखौं खालामनो हादों। बे मेचआव कहलिआ 52 बलाव गासै 90 रानखौं खालामनो हादोंमोन। आइपिएलआव शनिबारखालि गेलेनाय मोनै मेचआवबो भिरात कहलिजौं लोगोसे मोन 3 हान्जानि केप्टेनफोरा हाफ सेन्सुरि रान खालामनो हानायव जाफुंसारदों। फारसेथि केकेआर आरो किंग्स इलेभेन पान्जाबनि गेजेराव गेलेनाय मेचआवबो केप्टेन दिनेस कार्तिक आरो केएल रहलुआबो हाफ सेन्सुरि खालामनो हानायव जाफुंसारदों। नाथाय चेन्नाइ सुपार किंग्सनि हान्जानि केप्टेन महिन्द्र सिं धनिया बे सोलिफु आइपिएलआव गावनि गेलेनायखौं मिजिंथिजानाय बायदि दिन्थिनो हायाखै। मख'नो गोनांदि, मुलुगनां क्रिकेटनि अनगायैबो इन्डियान प्रिमियार लीगआव भिरात कहलिया गोखौंसिन फर्मजौं दासान्दि गावनि गेलेनायखौं सोलिहोबाय थानानै मोनसेनि उनाव गुबुन मोनसे रेकर्डफोरखौं खालामनो हादों। मैयानि गेलेनाय मेचखौं देरहानो हानायजौं लोगोसे गावनि गेलेनाय आइपिएलनि केरियारव 6 रोजा रान आबुं खालामनो हानायखौं भिरात कहलिया गोजोन्नाय फोरमायदों। बेजौं लोगोसे मैयानि मेचआव भिरातआ चेन्नाइनि हेंथायै बांसिन रान खालामनो हानाय गिबि गेलेगिरि जानो हादों।



डुबाइ, 11 अक्ट'बर: इन्डियान प्रिमियार लीगनि गेलेनाय जासिहरो 3 थि खेब देरहानो हानाय महिन्द्र सिं धनि दैदेनाय चेन्नाइ सुपार किंग्स हान्जाया दासान्दि सोलिफु आइपिएलआव लोरबां गेलेनायखौं नुनो मोन्दों। हान्जानि मिजिंथिजानाय गेलेगिरिफोरनि लोरबां गेलेनायनि जाहोनावनो दासान्दि आइपिएलनि मेचफोरखौं फारिये जेन्सो गोनां जादों महिन्द्र सिं धनिनि दैदेनाय चेन्नाइ सुपार किंग्स हान्जाया। थांनय हरनि समाव डुबाइ इन्टरनेसनेल क्रिकेट स्टेडियमआव गेलेनाय आइपिएलनि मोनसे मेचखौं भिरात कहलिनि दैदेनाय रयेल सेलेन्जार्स बेंगालर आरो महिन्द्र सिं दैदेनाय चेन्नाइ सुपार किंग्स हान्जानि गेजेराव गेलेदोंमोन। नाथाय बे मेचखौं भिरात कहलिनि गोखौं गेलेनाय रान खालामनाय आरो बलारफोरनि मोजां बलिं खालामनायाव आरसिबि हान्जाया गासै 37 राननि फारागथियाव चेन्नाइ हान्जानि हेंथायै देरहानो हादों। बे मेचआव कहलिनि दैदेनाय आरसिबि हान्जाया सिगां बेटिं खालामनानै 20 अभावर मोन 4 उइकेट खोमाना गासै 170 राननि टारगेटखौं बैरेखा हान्जानो



होनो हायो। केप्टेन भिरात कहलिनि 90 रान, सिबम डुवेनि 22 रान खालामनाय हेफाजाबजौं आरसिबिआ मिजिंथिजानाय बायदि रान खालामनो हादोंमोन। बे टारगेटनि फिन्नायाव धनिनि दैदेनाय चेन्नाइ हान्जाया सिगांनिफ्रायनो गोखौं गेलेनो नाजानायव फारिये उइकेट खोमाना लायो। जाहोनाव हान्जानि मिजिंथिजानाय गेलेगिरि डु प्लेसिसआ 8 रान, चैन वाटसनआ 14 रान आरो महिन्द्र सिं धनिआ 10 रान' खालामनो हानायजौं जोबथायाव मोन 8 उइकेट खोमाना 20 अभावर 132 रानखौं' खालामनो हायो। अदेबानि बे मेचखौं आरसिबि हान्जाया 37 राननि फारागथियाव देरहानो हानायजौं पइन्टनि फारिलाइयाव 4 थि

सारियाव जायगा लानो हायो। चेन्नाइनि जानानै अम्ब्राति रायडुआ 42 रान आरो एन जगदिसनआ 33 रानखौं खालामनो हादोंमोनब्लाबो नाथाय हान्जानि थाखाय थोजासे नडा। चेन्नाइ हान्जाया बे सिजननि गिबि बेखेवजेनाय मेचखौं' मुम्बाइ इन्डियानसनि हेंथायै देरहानो हानायनि उनाव गेजेराव गेलेनाय 2 थि मेचखौं देरहानो हादोंमोनब्लाबो फारिये मोन 5 मेचखौं जेन्सो गोनां जादों। लोगोसे मेचखौं जेन्नाय चेन्नाइआ पइन्टनि फारिलाइयाव आरोबाव दावखलायनो गोनां जादों। मख'नो गोनांदि, महिन्द्र सिं दैदेनाय चेन्नाइ सुपार किंग्स हान्जाया थांनय 2008, 2012, 2013, 2015 आरो 2019 नि इन्डियान प्रिमियार लीगखौं

रानार्स आप जादोंब्लाबो बे सोलिफु 13 थि सिजननि आइपिएलआव लोरबां गेलेबाय थानायखौं नोजोर होयोब्ला धनिनि दैदेनाय हान्जाया फाइनालसिम सहैनो हानायनि फारसे गोबां गोब्राव जागोनखौं नुहरदों।

भारतनि निहाल सारिनआ जुनियर स्पिड चस सेम्पियनसिफखौं देरहाबाय

गोदान दिल्ली, 11 अक्ट'बर: कभिड-19 महामारिनि गुवारे गोसारनायनि जाहोनाव दासान्दि अनलाइनि गेजेरजौंनो गुबुन गेलेमुनि बादायलायनायफोरखौं खुंनय जादों। बेनि गेजेराव चस गेलेमुनि बादायलायनायखौं अनलाइनि गेजेरजौं खुंनया सोलिबाय थादों। मैया अनलाइनि गेजेरजौं खुंनय 2020 नि जुनियर स्पिड चस सेम्पियनसिफखौं भारतनि लाइमोन गेलेगिरि निहाल सारिनआ देरहानो हादों। फाइनाल राउन्डनि मेचआव भारतनि नेहालआ रासियानि गेलेनाय मेचआनो सुबुंफोरेनि नायथावना जायो। सानैबो गेलेगिरिया फाइनाल मेचनि थाखाय साखा-फारा जानायजौं बिसोरनि थांखिया जैरेखि जाया ग्रेन्ड-स्लेमखौं देरहानाय जादों। गुबुन फारसेथि टैनिनसि गेदेमा गेलेगिरि रजार फेडरारआ देरहानाय मोन 20 थि ग्रेन्ड-स्लेम रेकर्डजौं समान-समान खालामनो बिसोर सानै गेलेगिरिया खाथि नोजोरवोनो सहैनाय दं। बे खेबनि ग्रेन्ड-स्लेमआव सुइजालेन्डनि रजार फेडरारआ बाहागो लायाखै।



हायो। थांनय गोग्गानाय फोरमायनानै बुडोदि, नेहालआ मुलुगनि गेजेरावबो गोखौंसिन जुनियर गेलेगिरि जानो हानायजौं दिनें बेनि बादायनायनि फिथाइआ जाफुंसार जादों होन्नायै बुडो। नेहाल सारिनआ भारतनि चस हान्जायाव सोसनजानानै फेगौ समनिफ्राय जागायजेन्सो गोनां एसियान अनलाइनि नेसन्स काप टीम सेम्पियनसिफआव बाहागो लागोन होन्नायै बिस्वनाथानआ मिथिहोयो। भारतनि माखासे जुनियर थाखोनि गेलेगिरिफोरा अनलाइनि गेजेरजौं खुंनय चस सेम्पियनसिफआव बाहागो लानायनि गेजेराव निहाल सारिनआ साबसिन बादायनो हानायजौं गावनि जाफुंसारखौं दिन्थिनो हायो।

फ्रेन्स अपेननि हौवा सिंगेल्स फाइनाल मेचखौं राफेल नाडाल आरो नबाक जकबिसनि गेजेराव गेलेगोन

पेरिस, 11 अक्ट'बर: हौवाफोरनि टैनिनस रेंकिआव सेथि जायगा लानानै गेलेनाय नबाक जकबिस आरो रेंकिनि नैथि गेलेगिरि राफेल नाडालनि गेजेराव दासान्दि सोलिबाय थानाय फ्रेन्स अपेननि सिंगेल्स फाइनाल मेचखौं गेलेनो थाखाय थियारि जाबाय। बिसोर सानै गेलेगिरिया सोलिफु फ्रेन्स अपेननि गासैबो राउन्डनि मेचफोरखौं फारिये देरहाबोनायनि गेजेरजौं फाइनालाव सहैनो हादों। मैया गेलेनाय फ्रेन्स अपेननि सिंगेल्स सेमि फाइनाल मेचआव साबिसानि गेलेगिरि नबाक जकबिस आरो गेलेगिरि स्तेपानस सिटसिपासनि गेजेराव गोखौं गेलेनायखौं नुनो मोन्दोंमोन। बे मेचखौं नबाक जकबिसआ गोखौं गेलेनायै जोबथायाव



स्तेपानसनि हेंथायै गासै 6-3, 6-2, 5-7, 4-6, 6-1 सेट पइन्टनि फारागथियाव गोब्राबजौं देरहानो हायो। बे मेचखौं देरहानो थाखाय साबिसानि गेलेगिरिया गासै 4 घन्टा सम गेलेनो गोनां जादोंमोन। दासान्दि नबाक जकबिसआ

फाइनालाव सहैनो हानानै बे गोनांथार मेचखौं स्पेइनि रफेल नाडालनि हेंथायै मोगा-मोगि गेलेगोन। अदेबानि बे खेबनि फ्रेन्स अपेननि फाइनाल मेचखौं देरहानो थांखिजौं बिसोर सानैनि गेजेराव दावहा बायदि जुजिलाइनायखौं नुनो मोनगोन। मानोना

राफेल नाडालआ 18 थि ग्रेन्ड-स्लेम देरहानो थांखि लादों आरो गुबुन फारसेथि नबाक जकबिसआबो 9 थि ग्रेन्ड-स्लेमखौं देरहानो थांखि लादों। अदेबानि बिसोर सानैनि गेजेराव मोनफ्रोमबो गेलेनाय मेचआनो सुबुंफोरेनि नायथावना जायो। सानैबो गेलेगिरिया फाइनाल मेचनि थाखाय साखा-फारा जानायजौं बिसोरनि थांखिया जैरेखि जाया ग्रेन्ड-स्लेमखौं देरहानाय जादों। गुबुन फारसेथि टैनिनसि गेदेमा गेलेगिरि रजार फेडरारआ देरहानाय मोन 20 थि ग्रेन्ड-स्लेम रेकर्डजौं समान-समान खालामनो बिसोर सानै गेलेगिरिया खाथि नोजोरवोनो सहैनाय दं। बे खेबनि ग्रेन्ड-स्लेमआव सुइजालेन्डनि रजार फेडरारआ बाहागो लायाखै।